

Scrutaght jeh kiarail-slaynt ry gheddyn ec Thie-lleihys Noble – Mannin

Jerrey Souree 2006

Yn Oaseirys Kiarail-slaynt

Ard-churym yn Oaseirys Kiarail-slaynt, ta shen dy haraghey'n livrey-ys jeh kiarail-slaynt as slaynt theayagh ayns Sostyn as Bretyn.

Ayns Sostyn ta'n Oaseirys freggyrtagh son meihaghey as jannoo tuarastylyn mychione y cooilleeney jeh reagheydyssyn kiarail-slaynt cheusthie as cheumooie jeh'n Chirveish Slaynt Ashoonagh dy hickyraghey dy vel ad livrey kiarail lesh stundayrt ard. Myrgeeddin, ta'n Oaseirys kinjagh greinnaghey kiareyderyn dy haraghey nyn shirveishyn as yn aght t'ad gobbraghey.

Ta deanyn yn Oaseirys Kiarail-slaynt:

- dy choadey surransee as kinjagh sharaghey shirveishyn kiarail-slaynt son surransee, lught-kiarail as y theay
- dy chur er e hoshiaght ny cairyn jeh gagh peiagh dy gheddyn shirveishyn kiarail-slaynt as y caa nyn slaynt y haraghey
- dy ve neuchroghagh, cairagh as foshlit as eh jannoo briwnys, as dy gheddyn coyrle mychione e obbyr

Ta ny deanyn shoh ry akin ayns gagh red ta'n Oaseirys jannoo.

Ta'n Oaseirys meihaghey reagheydyssyn kiarail-slaynt ayns Sostyn liorish y vaght-slaynt bleinoil. Ta'n baght-slaynt bleinoil kiarail towse ny reddynt ta madyral rish surransee. Ta'n Oaseirys meihaghey vel reagheydyssyn kiarail-slaynt cooilleeney deanyn, agh chammah as shen t'eh jeeaghyn vel ad coyrt kiarail vie harrish ymmodee cooishyn. Ver shoh reayrt share da surransee as y theay jeh'n aght ta reagheydyssyn kiarail-slaynt ynnydagh gobbraghey.

Slattys Slaynt as Kiarail y Theay (Slaynt Co-phobble as Stundayrtynt) 2003, y slattys ta'n Oaseirys Kiarail-slaynt gobbraghey fo, t'eh gra ayns aynr 126 –

Reaghyssyn lesh Mannin as Ellanyn Vooir Eeaght: Oaseirys cour Scrutaghey-coontys Kiarail-slaynt as Scrutaghey (y slane ennym jeh'n Oaseirys Kiarail-slaynt)

(1) Foddee yn Oaseirys jannoo reaghyssyn lesh:

- (a) Reiltys Vannin
- (b) Steatyn Jersey
- (c) Steatyn Guernsey

son yn Oaseirys dy chur coyrle da as dy chooney lesh y lught-reill shen bentyn rish coyrt kiarail-slaynt lioroosyn ny ass nyn lieh.

Y slattys ta Rheynn Slaynt as Shickyrys y Theay ayns Mannin gobbraghey fo, t'eh lowal da'n Rheynn failley'n Oaseirys Kiarail-slaynt dy scrutaghey kiarail-slaynt as ta bree currit da liorish Aynr 3 (2) jeh Slattys Rheynnyn Reiltys 1987 jeh Reiltys Vannin, choud as ta'n obbyr myr sheshaght elley cooilleeney currymyn y Rheynn, as cha nee livrey harrish ny currymyn.

Slattys Rheynnyn Reiltys 1987 jeh Reiltys Vannin, t'eh gra fo Aynr 3 (2): 'Foddee yn Shirveishagh cur kied da oltey ny offishear erbee jeh'n Rheynn ny da peiagh elley erbee, dy chooilleeney currymyn erbee jeh'n Rheynn syn ynnyd echey, ny lomarcan ny marishyn, ny marish y lheid jeh persoon ny persoonyn elley.'

Giare-choontey Sheckteragh

Cre'n fa va scrutaght jeant ec yn Oaseirys Kiarail-slaynt?

Foddee yn Oaseirys Kiarail-slaynt gobbraghey cheumooie jeh'n Reeriaght Unnaneyisit dy choylraghey as dy chur cooney bentyn rish y livrey-ys jeh kiarail-slaynt. Rheynt Slaynt as Shickyrys y Theay ayns Mannin, hirr ee er yn Oaseirys Kiarail-slaynt eh dy chooney lhee dy chooilleeney nyn gurrym dy chur bree da claare tarhoilshagh as tramylt jeh meihaghey'n chiarail-slaynt t'ad livrey as goardaghey ass lieh pobble yn Ellan.

Va Rheynt Slaynt as Shickyrys y Theay shirrey er yn Oaseirys eh dy scrutaghey ny aghtyn t'oc cour meihaghey quallid ny shirveishyn gear ta kiarit syn Ellan, erskyn ooilley ec Thie-lheihys Noble.

Ghow shoh stiagh jeeaghyn er ny cliaghtaghyn cour oardaghey shirveishyn gear ta goll er livrey sy Reeriaght Unnaneyisit, vel shirveishyn gear er lhev ta goll er livrey syn Ellan yn-yummyrkey, as scrutaght jeh'n argid ta goll er cur son kiarail ghear.

Choard yn Oaseirys Kiarail-slaynt scrutaght y yannoo. Ny reddyn jeant ec Rheynt Slaynt as Shickyrys y Theay ayns Mannin dy hickyraghey dy vel quallid ard ec y livrey-ys jeh kiarail-slaynt, smooinee yn Oaseirys dy row ny reddyn shen cooilleeney stundayrtyyn cooie dy hauchys, sharaghey shirveishyn son surransee, as soilshaghey feeuid fondagh son yn argid ta goll er ceau ec y traa t'ayn. Scrutaght yn Oaseirys Kiarail-slaynt, haink ee er Stundayrtyyn son Slaynt Share jeh Rheynt Slaynt y Reeriaght Unnaneyisit as ymyd jeant jeh dy veihaghey treishtyn sy Chirveish Slaynt Ashoonagh. Ny va feddynit sy scrutaght shoh, ver eh yn undin da Mannin cour lhiasaghey as goaill ayns laue reddyn dy haraghey as scrutaghey sodjey.

Cooylrey

Ta Mannin ayns Mooir Vannin, magh ass slyst-marrey heear-hwoaie Hostyn. T'ee ny cheer hene-reill as croghagh jeh'n Chrooin.

Ta'n Ard-whaiyl hene as Reiltys hene eck, as cha nel ee, as cha row ee rieau, ayn jeh'n Reeriaght Unnaneyisit. Ta tree shamyryn ec Ard-whaiyl Vannin: Tinvaal as e vanglaneyn: y Chiare as Feed as y Choonceil Slattyssagh. Ta kiare Olteynyn as feed ec y Chiare as Feed ta goll er reih dy jeeragh ec y theay, as t'ad gra Olteynyn jeh'n Chiare as Feed roo. Yn earroo dy leih ayns Mannin, myr v'eh currit ayns tuarastyl slaynt theayagh yn Ellan ayns 2004, v'eh 76,888.

Shirveishyn kiarail-slaynt ayns Mannin, t'ad goll er coyrt liorish Rheynt Slaynt as Shickyrys y Theay, ta jeant seose ass:

- y Shirveishagh son Slaynt as Shickyrys y Theay pointit liorish bree Slattys Coonceil ny Olteynyn 1990
- tree olteynyn jeh Tinvaal pointit liorish bree Slattys Rheyntyn Reiltys 1987, as chaghteryn jeant jeu dy ghellal rish shirveishyn slaynt, shirveishyn y theay as shickyrys y theay
- tree fo-rheyntyn shirveish as un ard-fo-rheynt, enmyssit oik yn ard-sheckter

Currym as freggyrtyssyn ny fo-rheyntyn shirveish as yn ard-fo-rheynt, t'ad bentyn rish ny shirveishyn shoh heese:

- oik yn ard-sheckter – plannal cour strateysh as dellal, lhiasaghey as freayll rick er kiarail-slaynt as kiarail y theay, as cur er e hoshiaght shirveish-slaynt

ooilley-ghoaillagh cour sharaghey slaynt chorpoil as inchynagh phobble yn Ellan as lhiettal, cur faaishnys-enn er, as cur lheiroys da. chingys

- fo-rheynn kiarail-slaynt – shirveishyn ard-chiarail as shirveishyn-kiarail ec y nah leval, goaill stiagh Thie-lheiroys Cheerey Ardjyn Rhumsaa, Thie-lheiroys Noble as y stiureydaught jeh slaynt theayagh
- fo-rheynn shickyrys y theay – cooney cadjin argidoil, pohlldal penshyn as cheet-stiagh, toyrtysyn as coardail as polasee as slattyssyn
- fo-rheynn shirveishyn theayagh – shirveishyn theayagh da sleih aasit, paitchyn, lughtyn-thie as slaynt inchynagh

Ta shirveishyn gear thie-lheiroys goll er coyrt liorish Thie-lheiroys Noble, t'ayns preeuvalley yn Ellan. Va'n thie-lheiroys er ny osley Jerrey Souree 2003, lurg arraghey gys ynnyd noa as troggalyn noa. Ta 20 ward ayn lesh 314 lhiabbaghyn ayns kuse dy stiureydaughtyn-lhee. Ta'n thie-lheiroys failley na shlee na 1,000 dy skimmee lane-emshyragh (earroo breeoil) as ta 16 d'ir-lhee coyrllee veih'n Reeriaght Unnaneyssit cur shilley er y thie-lheiroys. Son y chooid smoo, t'adsyn stiurey lheiroys cour surransee-mooie as t'ad gobbraghey marish 42 fer-lhee coyrllee ta faillit ec y thie-lheiroys.

Chammah as shen, kiarail son surransee-sthie as lheiroys son surransee-mooie, t'ad goll er livrey liorish ynnydyn ec y trass leval sy Reeriaght Unnaneyssit son shirveishyn ennagh. Agh, son y chooid smoo, ta ny shirveishyn shoh goll er livrey ayns Lerpoyll as Wirral, ec Treisht SSA Lerpoyll Ynnyd Chreitoracksagh, Treisht SSA Ynnyd Clatterbridge Aasoaylleaght, Treisht SSA Thie-lheiroys Reeoil Lerpoyll cour Paitchyn, Treisht SSA Thieyn-lheiroys Ollooscoill Lerpoyll Reeoil as Broadgreen as Treisht SSA Ynnyd Walton cour Neayroaylleaght as Neayrlaelheiroys.

She £327 millioon va bushaid Rheynn Slaynt as Shickyrys y Theay son 2004/5. Va bushaid vleinoil Thie-lheiroys Noble £47.5 millioon as £11.2 millioon tooilley son ard-skimnee-lhee, ta goll er reirey ec y tra ayn ec Rheynn Slaynt as Shickyrys y Theay. Hug y Reiltys tooilley argid Toshiaght Arree 2006, bishaghey bushaid Thie-lheiroys Noble liorish £2.3 millioon as y vushaid son ard-skimnee-lhee liorish £1.8 millioon. Ta coardail daa-heuagh eddyr Reiltys Vannin as Rheynn Slaynt Hostyn. Liorish shen, ta kiarail-slaynt goll er livrey da cummaltee Vannin ayns Sostyn gys leagh jeh £3 millioon, as ta kiarail-slaynt goll er livrey da cummaltee yn Reeriaght Unnaneyssit ta cur shilley er yn Ellan.

Aght-obree yn Oaseirys Kiarail-slaynt

As eh jannoo yn scrutaght, ren yn Oaseirys ymmyd jeh crauelagh ry hoi meihaghey va lhiassit ec yn Oaseirys Kiarail-slaynt as yn Oaseirys-scrutee. Agh cheaghil yn Oaseirys y crauelagh kyndagh rish ynricanys yn Ellan as y chymmyltaght ta'n chiarail-slaynt goll er livrey ayn. Ghow shoh stiagh goaill ayns laue myn-oltscarrey'n fysseree va ry gheddyn ayns shirveishyn gear thie-lheiroys; stundayrtyn-cliaughtee bentyn rish lheiroys, argidys as reireydys; as cowraghyn-cooilleenee as deanyn-cooilleenee ec y tra ayn.

Chum yn Oaseirys quaaltyssyn marish, as haggil ad fysseree veih, surransee, y theay, olteynyn jeh reagheydyssyn arryltagh as giastyllagh, Olteynyn jeh'n Chiare as Feed, skimmee jeh'n thie-lheiroys, Rheynn Slaynt as Shickyrys y Theay as ard-shirveishyn kiarail. Chum yn Oaseirys quaaltyssyn neesht marish skimmee veih kuse dy reagheydyssyn sy Reeriaght Unnaneyssit t'er gheddyn coonraghyn ayns Mannin dy livrey kiarail-lhee as lheiroys, er nonney t'ad goardaghey shirveishyn ass nyn lieh, er nonney t'ad livrey ynsagh-lhee as reill-lhee. Hug yn Oaseirys paart dy hillaghyn er y thie-lheiroys dy ghoaill baght jeh ardjyn-lhee as ardjyn elley.

Ta'n Oaseirys Kiarail-slaynt freggyrtagh son livrey claare dy scrutaghtyn thie-lheihys gear jeh treishtyn SSA ayns Sostyn. T'ad shoh scrutaghtyn jeh cooilleeney as ymmyd jeu dy veihaghey cliaghtey-lhee ayns shirveishyn thie-lheihys gear. Ny saaseyn-scrutee shen, va ymmyd jeant jeu myr ayn jeh'n scrutaght shoh. Ny shirveishyn hie er scrutaghey, v'ad y reireydys jeh surransee cheet stiagh, shirveishyn faaishnys-enn (goaill stiagh patoaylleaght, jallooaghey as endoscopys) as y reireydys jeh stooghyn-lheihys.

Ghow yn skimmee-meiaaghey stiagh ard-skimnee veih'n Oaseirys Kiarail-slaynt, ard-skimnee-lhee as ard-skimnee reiragh veih'n SSA, ard-oltscarreyderyn as oaylle-cooilleeney veih'n Oaseirys-scrutee.

Ta'n tuarastyl shoh cur mynphointyn jeh ny reddyn va feddynit sy scrutaght, as t'eh cur enn er reddyn ta feme orroo sharaghey dy hickyraghey dy vel shirveishyn-slaynt gear ayns Mannin goll er plannal dy breeoil, goll er reirey as er livrey dy fondagh, as dy bee ad yn-ymmyrkey sy traa ry heet.

Ard-chooishyn va feddynit

Syn ayn shoh jeh'n tuarastyl, ta tasteey er lneh currit da paart jeh ny ard-chooishyn va feddynit sy scrutaght. Ny mynphointyn jeh ny cooishyn va feddynit, t'ad currit ny sodje heese sy tuarastyl.

Ayns y scrutaght, hooar yn Oaseirys magh dy row yn skimmee ec gagh leval currit da livrey shirveish kiarail-slaynt mie erbaghtal da pobble yn Ellan. Ghow shoh stiagh leval ny shirveishee as y reiltys, Rheynt Slaynt as Shickyrys y Theay, as levallyn lheihys as reireydys ayns y thie-lheihys. Veeit yn Oaseirys rish ram sleih ardjeean va currit da nyn gurrymyn myr skimmee-lhee, skimmee reiragh, as skimmee-coonee. Va seyraaidyn-lhee mie er baghtal ec Thie-lheihys Noble lesh culleeyn mie, va goll er jeshaghey lesh cooid vie. Va ny surransee, yn theay as y skimmee soiaghey mooar jeh ny seyraaidyn shen.

Ny ard-deanyn son livrey shirveishyn-slaynt da cummaltee Vannin, v'ad focklit ayns Strateysh cour Slaynt ayns Mannin, va currit magh ec Rheynt Slaynt as Shickyrys y Theay Mee Boaldyn 2003. Agh cha row plan-obree er ve jeant ass y strateysh shoh, as cha row tosheeaghtyn baghtal as ard-chowraghyn-cooilleeney ayn va toiggitt ocsyn gobbraghey ayns ny shirveishyn-slaynt gear. Ta shen dy ghra, cha row ny tosheeaghtyn va focklit sy strateysh y cree er egin jeh'n chiarail-slaynt va goll er livrey ec y thie-lheihys. Fegooish tosheeaghtyn as ard-chowraghyn-cooilleeney, s'boght yn agh ry hoi meihaghey cre cho mie as ta reddyn goll bentyn rish y strateysh.

Cha row monney fysseree fondagh as co-hassooagh ayn mychione slaynt theayagh dy phohlldal yn oltscarrey jeh femeyn-slaynt chummaltee Vannin. Cha row ymmyd jeant jeh fysseree veih'n tuarastyl slaynt theayagh dy chur fys mychione as dy lhiasaghey polaseeyn as cliaghtaghyn ec y thie-leihys. Er y gherid, va scrutaght-mooie er ve jeant jeh currimyn as shirveishyn y stiureydaught slaynt theayagh. Choyrlee yn scrutaght-mooie dy lhisagh y rheynt goll er niartaghey as dy lhisagh ee goaill ayn smoo bentyn rish livrey shirveishyn-slaynt. Goaill tasteey smoo jeh slaynt theayagh as lhiettal chingys, ta feme orroo ve co-sniemmit lesh plannal as livrey shirveishyn kiarail-slaynt.

Va cleaney dy liooar ec politickeyryn ynnydagh livrey-ys kiarail-slaynt y stiurey, erskyn ooilley kyndagh rish y warrantys dy livrey shirveishyn kiarail-slaynt ynnydagh lesh ard-whallid. Agh myr eiyrtys er shen, foddee meechoardailys cheet rish eddyr politickaght ynnydagh as strateysh kiarail-slaynt tra ta cooishyn er lneh currit er nyn doshiaght son phohlldal as lhiasaghey, cooishyn nagh row enmyssit myr ayn jeh

meihaghey femeyn slaynt, ny myr aynr jeh'n strateysh kiarail-slaynt. Foddee dy jean ny meechoardailysyn shoh chyndaa tastey ersooyl veih lhasaghey plan-obree cronnal as ooilley-ghoailagh ry hoi livrey as lhasaghey shirveishyn. Ta feme er commeys stroshey eddyr sheckterynt-slaynt as Olteynyn jeh'n Chiare as Feed er aght dy vow livrey-ys shirveishyn fenec as dy jed shirveishyn er lhasaghey kyndagh rish feanish, syn ynnyd jeh aghtey kyndagh rish immeeaghtyn, myr t'eh taghyrt ec y traat' ayn.

Hooar yn Oaseirys dy row bree currit da linnaghyn-stiuree ennagh cour cliaghtey share, as s'beg va'n feanish dy row shoh kianlt lesh plannal shirveishyn ry hoi livrey lheihs as kiarail da surransee. Cha row eh baghtal cre cho fondagh as dy row ny linnaghyn-stiuree shoh resoonit as goit ayns laue as cre'n aght vees bree currit da stiurey ny nagh vees. Goaill siurey ayns laue dy teihyssagh, ta shen ny ghaue er lhez tra nagh vel monney stiurey goit ayns laue. Myr eiyrtys er shen, ta shen smoonit dy ve neuhickyrt sy Reeriaght Unnaneyst as ayns buill elley. Goaill stiurey ny cliaghtey share ayns laue dy paartagh, oddagh shen cur er thieyn-lheihs dy ghellal rish kiarail as lheihs er aghtyn neuhassooagh. Oddagh thieyn-lheihs ve so-lhottey kyndagh rish cremmey, as oddagh co-choardailys liorish surransee ve jeant gyn bree, ny oddagh y thie-lheihs goll er shual.

Ta feme er ard-fir-lhee dy leedeil co-reaghey as cur ayns bree yn aght dy choardail rish stiurey mychione cliaghtey share, as dy reaghey'n aght dy yannoo briwnysyn mychione cur enn er gaueyn jeh neu-choardailys ny coardailys paartagh, as yn aght hed ny gaueyn er reirey. Lhisagh shoh ve aynr jeh strateysh jeh breeoilid-lhee.

Chammah as shen, lhisagh y thie-lheihs smooinghtyn er aarlaghey fockley mychione ny linnaghyn-stiuree t'ad kiarail goaill ayns laue, lesh resoonys baghtal cour jannoo briwnys, marish meihaghey-gaue jeh eiyrtysyn ny briwnysyn veagh jeant, as reddyn ry yannoo dy leodaghey jeeyl erbee oddagh ve jeant.

Y barrantys dy lhiantyn rish lheid ny claareyn shen, ta feme ayn eh y chur er enn da ooilley'n skimmee-lhee.

Cha nel ooilley ny shirveishyn-lhee er phointeil peiagh ennagh dy chur leeideilys-lhee ayns livrey'n chirveish. Ta shoh croo genney freggyrtys bentyn rish reaghey tosheeaghtyn, lhasaghey shirveishyn as reaghey stundayrtyn. Shegin laue y chur gys y doilleid shoh dy preaysagh, erskyn ooilley son shirveishyn-kahngyr.

Hooar yn Oaseirys dy row genney fysseree ayn bentyn rish troaryn-lhee. Ta feme er y thie-lheihs shickyraghey dy vel fysseree ry gheddyn ta lowal da towse coilleeney liorish troaryn-lhee. as dy vel shoh ry gheddyn liorish gagh stiureydgat. Myrgeiddin, ta feme ayn dy vod fir-lhee roshtyn fysseree mychione nyn gliaghtey as dy jean nyn gooilleeney goll er cosoylaghey rish shirveishyn cosoylagh ayns buill elley. Bentyn rish co-phobble ellanagh as y doolane er lhez ta shoh croo, ta feme orroosyn ta livrey shirveishyn dy hoilshaghey dy vel ny shirveishyn shen er y chooid sloo corrym rish shirveishyn ta ry gheddyn ayns buill elley, as dy vel ad goll er reirey as er livrey dy cummeydagh.

Ta scrutaghtyn-lhee goll er jannoo harrish stiureydgatyn dy scrutaghey shirveishyn-lhee as coardailys rish cliaghtey ta soit er feanish. Agh cha nel shoh ny aynr jeh ard-strateysh ny plan cour scrutaghey shirveishyn thie-lheihs. Lhisagh smooinghtyn goll er jannoo mychione lhasaghey plan-scrutee bleinoil, as ymmydey fysseree cosnit liorish scrutaght-lhee dy veihaghey coyrlayderyn ry hoi clayney'n dean jeh scrutaght yl-gherryoil. Erskyn ooilley, lhisagh scrutaghtyn-lhee bentyn rish stiurey mychione cliaghtey share, cooishyn cheet rish kyndagh rish scrutaghtyn-mooie, as stoo goll er feddyn veih taghyrtyn as plaiyntyn recortit.

Ayns 2005/2006, ren yn Oaseirys Kiarail-slaynt scrutaghtyn portfolio thie-lheihys gear bentyn rish y reireydys jeh surransee cheet stiagh, shirveishyn faaishnys-enn (goaill stiagh patoaylleeaght, jallooaghey as endoscopys) as y reireydys jeh stooghyn-lheihys. Ghow Mannin ayn ayns ny scrutaghtyn shoh myr ayn jeh'n scrutaght jeh livrey-ys kiarail-slaynt gear.

Sy scrutaght jeh'n reireydys jeh surransee cheet stiagh, v'eh feddynit dy row ny reaghysyn son surransee gear-cheim mie ooilley cooidjagh, as dy row traaghyn-farkee meanagh ayns Drogh-haghyrtyn as Gear-cheim fo daa oor. Agh hantee surransee syn unnid meihaghey-lhee son ny shlee na'n tra-dean jeh 24 oor as ta ablid ayn dy leodaghey'n slane tra ta kuse dy hurransee tannaghtyn sy thie-lheihys. Ta feme er aavriwnys jeh reireydys y list-farkee son lheshyn noa dy hickyraghey dy vel ad dellal rish surransee dy cairagh.

Y scrutaght jeh'n reireydys jeh stooghyn-lheihys, hoilshee eh dy row reaghysyn mie ayn cour reirey druggaghyn smaghtit, reirey allerjeeyn as freayll rick er oardrail stooghyn-lheihys. Ny yei shen as ooilley, ta feme er sharaghey'n tra ta skimmeepotecareeys ceau ayns ynnydyn-lhee as wardyn, as y tra ceaut jannoo briwnys er, as gaarlaghey, druggaghyn noa.

Hoilshee yn scrutaght jeh shirveishyn faaishnys-enn dy row yn skimmee-lhee jeant booiagh lesh shirveishyn patoaylleeaght, son y chooid smoo. Agh ta feme er scrutaghey cre cho tappee, as cre cho liauyr as ta ny traaghyn, ta ny shirveishyn ry gheddyn. V'eh feddynit dy row yn rheynn-jallooaghey gaghtey dy mie, agh ta feme er sharaghey ny seyraaidyn cour scrutaghey paitchyn dy radio-oaylleeaghtagh. Bentyn rish y chirveish-endoscopys, va ny reaghysyn cheumooie jeh ooryn-obbee ny share na adsyn meanagh as va ny culleeyn mie, agh ta feme er sharaghey goaill baght coorsagh jeh quallid-lhee as breeoilid y chirveish.

S'beg va'n feanish hooar yn Oaseirys dy hoilshaghey dy row reillyn as aghtyn co-hassooagh as baghtal ayn ry hoi jannoo briwnysyn dy phohlldal arraghey surransee veih'n Ellan son kiarail as lheihys sy Reeriaght Unnaneysit. Yn earroo dy cheayrtyn hie surransee er arraghey, v'eh jeeaghyn dy ve rouyr as as cha nee kinjagh cairagh da'n Oaseirys Kiarail-slaynt. Ta feme er y smaght harrish, kied son, freayll rick er, as freggyrtys son, arraghey surransee veih'n Ellan, goll er scrutaghey.

Ayns y thie-lheihys, va kuse dy ventyrissyn ayn dy yannoo shicky dy row ny barelyn jeh surransee as fir-chiarail goll er shirrey, as tastey goit jeu tra va shirveishyn goll er scrutaghey as lhiasaghey. T'ad shoh goaill stiagh goaill ayn ayns shirveishyn-kahngyr, scrutaghey-lhee, shirveishyn-moirys, possanyn goaill baght jeh cooishyn ooashlid as preevaadjys, eddyr-insh as beeaghey. Ta feme er y thie-lheihys dy lhiasaghey'n strateysh echey bentyn rish clayney surransee as y theay dy ghoaill ayn ayns cooishyn y thie-lheihys, as dy lhiasaghey coaryssyn dy rheynn cliaghtey mie as lessoonyn veih ventyrissyn ta goll er ec y tra t'ayn.

Dinsh olteynyn jeh'n theay as skimmee yn thie-lheihys da'n Oaseirys dy row ad boirit ec traaghyn-farkee son laue-lheey reihagh. Shimmey surransagh va fuirraghtyn rish kiarail as lheihys myr surransee-mooie as surransee-sthie. Va ymmodee jeu er vuirraghtyn rish meeghyn. Dod lught y thie-lheihys cur fys mychione y tra va peiagh ennagh er ve er list-farkee, agh, er egin, cha nee cre cho liauyr as va'n list-farkee son obbraid ennagh. Ta feme preaysagh er y thie-lheihys cur enn er as dellal rish ny bunoyryn jeh listyn-farkee liauyrey, erskyn ooilley son shirveishyn ortoopedagh as sooillooaylleeaght. Myrgeeddin, lhisagh y thie-lheihys lhiasaghey un choarys cour cur magh traaghyn-farkee. Lhisagh eh lhiasaghey co-haase dy yannoo listyn-farkee as enmyssey peiagh cooie dy leedeil y reireydys jeh listyn-farkee harrish ooilley ny stiureyderyssyn, geiyrt er deanyn son listyn-farkee enmyssey strateysh son kiarail-

slaynt. Ta ny deanyn goaill stiagh shickyraghey dy jean 95% dy leih ta currit er oi gys fer-lhee er oi, dy bee ad fakinit cheusthie jeh 13 shiaghtin, as dy bee 95% dy h-obbraidyn livreyit cheusthie jeh 13 shiaghtin.

Va boirey mooar er ve jeant kyndagh rish y ghenney jeh shirveish-eamee/eamagh reesht son scannal-keeagh syn Ellan. Va argid enmyssit son y chirveish shoh yn chield laa Mee Averil 2006, as ta feme chelleeragh er plannyn ee y choardail as y livrey. Lhisagh lhasaghey claare-scannal son kahngyr-minnagh goll er kiaddey myr ayn jeh claare ooilley-ghoailagh jeh scannal.

Cheayll yn Oaseirys Kiarail-slaynt barelyn mestit veih surransee mychione skimmee as shirveishyn ec y thie-lheihys. Shimmey surransagh va feer jarrooagh mychione e hraa sy thie-lheihys as eh gra dy row yn chiarail mie erbaghtal, lesh arrey bieau, skimmee caarjoil as troaryn jarrooagh. Dooyrt surransee elley dy row kuse dy skimmee, voish shirveishyn anchasley, dy row ad feayrchooishagh as myr by chummey lhieu. Ta ny imraaghyn shoh bentyn rish mynlagh beg dy skimmee nyn lomarcan, agh va'n olk currit er ny surransee v'ad dellal rish.

Er y gherrid, va Rheynt Slaynt as Shickyrys y Theay er lhasaghey strateysh son y fo-rheynt-skimmee va kiarail dellal rish cooishyn-skimmee, goaill stiagh geddyn y mestey cooie dy schleiyn son gagh shirveish, as shickyraghey dy vel ny obbreyn goll er pohlldal, traenit, lhasit, currit sy startey cooie, as goll er reirey dy fondagh. Va plannal-obree ry akin ayns shirveishyn boandyrys as radio-oaylleaght, agh row plan-obree ooilley-ghoailagh ec y thie-lheihys cour yn yn-yummyrkey as y lhasaghey jeh livrey-ys ny shirveishyn nish as sy traa ry heet. Chammah as shen, cha row saase cronnal as coardit oc ry hoi plannal bentyn rish ard-skimmee-lhee cheet stiagh sy traa ry heet. Moalys ayns pointeil ard-skimmee-lhee, foddee dy der eh yn olk er ablid y thie-lheihys dy hebbal kiarail gyn brishey as shirveishyn sauchey. Ard-chooish va jannoo er y thie-lheihys, va shen genney fysseree-reireydys as fysseree-cooilleenee. Ec y traa t'ayn, ta Rheynt Slaynt as Shickyrys y Theay lhasaghey'n claare echey son fysseree strateyshagh dy preaysagh, dy haraghey lhead as cruinnys y fysseree-lhee as fysseree-reireydys ta ry gheddyn. Ta feme er lhasaghey fysseree-reireydys dy yannoo shickyry dy vel fysseree goll er livrey erash, as dy vel ymyd jeant jeh ec gagh leval sy thie-lheihys, as dy lowal da Rheynt Slaynt as Shickyrys y Theay dy phlannal as reirey cooilleeney er agh smoo breeoil.

Ta paart dy cho-obbraghey eddyr ard-shirveishyn kiarail as shirveishyn-kiarail ec y nah leval, goaill stiagh kuse dy h-yynydyn-lhee cour surransee-mooie ec Thie-lheihys Cheerey Ardjyn Rhumsaa, as ard-skimmee-boandyrys as skimmee-slaynt profeshoonagh cosoylagh gobbraghey harrish y daa hirveish. Y commeys t'ayn eddyr skimmee-lhee ayns kiarail ec y nah leval as skimmee ard-chiarail, ta feme er goll er niartaghey lesh co-obbraghey shareit as reillyn coardit, erskyn ooilley son reirey co-staydyn as reaghey cur er oi as plannal arraghey dy valley.

Va baarney-argidoil er ve gaase ec y thie-lheihys voish toshiaght ny bleaney argidoil, fegooish plannyn ry hoi couyral y ve ry akin. Ooilley cooidjagh, cha row monney shellooderaght ny freggyrtys jeh reireydys-argidys y thie-lheihys ayn. S'lhag va fys er y stayd argidoil, as cha row monney tastey currit da cooishyn argidoil. Cha row monney smaghtyn ayn, as s'beg va'n tastey va currit da costysyn as reireydys y vushaid ec leval reireydys sheckteragh as ec leval reireydys-lhee. Myr shen, v'eh doillee da'n Oaseirys Kiarail-slaynt meihaghey row cooid argidoil goll er ymydey er yn agh share, as row leagh feeu ry gheddyn son yn argid va goll er ceau.

Va aghtyn ec y thie-lheihys cour cur magh fys er gaueyn as ronsaghey ad, goaill stiagh meihaghey gaueyn er ny leeideil liorish jantys-mooie. Aghtyn bentyn rish

aghtey-kiartee, cha row ad kinjagh aashagh ry akin, as cha row recortys-gaue co-chorpagh ec y thie-lheihys.

Va boiraghyn mooarey currit my ner hannah bentyn rish ayns kuse dy scrutaghtyn as tuarastylyn mychione shirveishyn ayns etlanyn ry hoi arraghey surransee veih'n Ellan gys kiareyderyn jeh kiarail-slaynt ayns buill elley. Va paart dy reddyn er ve jeant d'eaysley ny doilleeidyn shoh. Ta feme er aghtey preaysagh dy ghoaill ayns laue moyllaghyn y phossan-obbree son arraghey-aer da surransee. S'baghtal dy vel y skimmee ta livrey shirveishyn ayns ny etlanyn schleioil as cummeydagh, agh begin daue jannoo lesh drogh chymmyltaght ayns ny etlanyn.

Ta kiare shirveishyn ec y thie-lheihys va'n skimmee-reireydys sheckteragh gra 'shirveishyn er lneh' rish er y fa dy vel ad dellal rish earroo beg dy hurransee, er nonney er y fa dy vel ad goll er leeideil liorish un choyrlagh-lhee – foddee dy bee yn gaue-lhee smoo bentyn rish shen. Ta ny shirveishyn shoh: laue-lhees cuishlagh gear-cheim, shirveishyn cleaysh, stroin as scoarnagh, shirveishyn-kiarail er lneh da babbany/noa-ruggyr as laue-lhees paediatragh. Yeeagh y scrutaght er ny aghtyn cour shickyraghey breeoilid, fondid as yn-yymyrkey ny shirveishyn er lneh shoh bentyn roo goll er livrey dy ynnydagh gyn brishey. V'eh feddynit nagh row ad yn-yymyrkey fo ny reaghyssyn-lhee as reaghyssyn reiragh ec y traa t'ayn. Shegin jannoo briwnyssyn mychione yn yn-obbraghey as breeoilid-costys jeh coyrt ooilley ny shiveishyn shoh ny paart jeu ayns yn Ellan, er nonney lhisagh ny shirveishyn shoh ve kiarit dy h-ynnydagh sy traa ry heet. As briwnyssyn goll er jannoo mychione ny shirveishyn shoh sy traa ry heet, shegin tastey y chur da stundayrtyn-lhee, leeideilys as freggyrtys.

Va skimmee er ghra dy row pohlldal mie erbaghtal ayn son traenal as jeianaghey schleiy-lhee son skimmee thie-lheihys. Ta boodeeyssyn ayn lesh kuse dy h-undiny-nynsee, goaill stiagh Deanaght Mersey, reagheydys ta freayll rick er y stundayrt jeh traenal-lhee ayns Sostyn heear-hwoaie. Tuarastylyn veih Deanagh Mersey, v'ad er ghra dy co-hassooagh dy row skimmee-lhee sosharagh er nyn draenal dy mie as dy row ad fo oaseirys mie. Myrgeeddin, va boandyryn-studeyr goll er pohlldal dy mie as v'ad fo oaseirys mie ayns cliaghtey-lhee. Va lught-lheelann ennagh er cheau traa maroosyn ta livrey kiarail-slaynt sy Reeriaght Unnaneydit dy lhisaghey ny jeianaghey nyn schleiy-lhee as fys. Va claareyn-yntsee ennagh as claareyn-traenal ennagh er nyn lhisaghey ry hoi livrey shirveishyn er lneh. Agh cha row monney tosheeaghtyn reaghit son ynsagh ny traenal. ny kianlt dy baghtal lesh tosheeaghtyn shirveishyn.

Ooilley cooidjagh, hooar yn Oaseirys Kiarail-slaynt dy row seyraaidyn-lhee erbaghtal e y thie-lheihys as dy row yn skimmee ardjeean as currit da ny currimyn oc. Va feme er leeideilys lajer, eddyr-insh baghtal as reireydys breeoil dy ghellal rish ny cooishyn raad ta feme er jantys. Livrey kiarail-slaynt erbaghtal, ta feme er dy ve fakinit kianlt lesh ny schleiy as keeall chionnit jeh ny obbreeyn ta ry gheddyn dy vod poltickeyryn, y theay as skimmee yn chirveish-slaynt toiggal as goaill rish ny reddyn foddys, as lhisagh, y thie-lheihys livrey, as ny reddyn nagh vod eh as nagh lhisagh eh livrey. Lesh saaseyn breeoil dy hickyraghey cooishyn co-chorpagh, cooishyn-lhee as argidys, foddee yn thie-lheihys livrey shirveishyn lesh quallid ard ta sauchey, yn-yymyrkey as yn-fordrail son traa liauyr ry heet.

Cre haghrys nish?

Paart jeh ny cooishyn raad ta feme er jantys preaysagh as sharaghey, ta tastey er lneh goit jeu heese. Lane list jeh ny cooishyn raad ta feme er jantys, ta mynphointyn currit jeu ny s'anmagh sy tuarastyl shoh. Ver yn Oaseirys Kiarail-slaynt cooney dy

lhiasaghey plan-jantys dy ghoail ayns laue ny cooishyn troggit sy tuarastyl shoh dy chur er e hoshiaght sharaghey as kiarail lesh quallid ard da surransee.

Freayll rick er, as reireydys jeh, cooilleeney, as lhiantyn rish y phlan-jantys, bee shen currym Rheyinn Slaynt as Shickyrys y Theay.

1. Y strateysh cour slaynt, ta feme ayn dy bee plan-obbree jeant ass shen, vees cur enn baghtal er ny bun-jannooy as tosheeaghtyn son shirveishyn er lneh son kiarail-slaynt gear ta goll er livrey ec Thie-lheihys Noble.
2. Ta feme er jantys dy phointeil leeideilee cooie son gagh shirveish-lhee, shickyraghey dy vel y currym, freggyrtyssyn as reaghyssyn son reireydys cooilleeney-lhee, dy vel ad cronnal.
3. Ta feme er cur bree da crauelagh cour reireydys-cooilleenee, ta cur er enn y currym, freggyrtyssyn as freggyrtaght jeh skimmee lesh freggyrtyssyn reiragh, goaill stiagh meihaghey as freayll rick er cooilleeney.
4. Ta feme er ard-fir-lhee dy leeideil yn aght cour coardail as cur bree da saase dy choardail stiurey mychione cliaghtey share, fockley'n aght cour janoo briwnyssyn, as yn aght vees enn currit er gaueyn jeh neuchoardail, ny coardail paartagh, as yn aght vees ny cooishyn shoh goll er reirey. Lhisagh shoh ve myr ayn jeh strateysh jeh breeoilid-lhee. Ta feme er y thie-lheihys dy hickyraghey dy vod eh soilshaghey dy vel e chliaghtey-lhee corrym rish cliaghtey-lhee ayns buill elley, er y chooid sloo.
5. Ta feme er crauelagh ry hoi reirey argidys da skimmee lesh freggyrtys argidoil ec gagh leval. Ta shoh cour greinnaghey twoaieaght as lhiasaghey schleiyn as fys son reireydys-bushaid breeoil as smaght.
6. Y smaght as cur kied as freggyraght son arraghey surransee ersooyl veih'n Ellan, t'ad ayns feme jeh scrutaght phreaysagh dy hickyraghey dy vel faaishnys-enn er lneh cooie, lheihys cooie as eear-chiarail chooie, dy vel ad kiarit sy Reeriaght Unnaneyisit tra nagh vod ad ve kiarit syn Ellan. Ta feme er coardail y dean as reireydys jeh lheihyssyn nagh vel dellal rish monney surransee, erskyn ooilley bentyn rish kahngyr. Ta feme er reaghyssyn smoo formoil lesh coonraghyn lesh shirveishyn sy Reeriaght Unnaneyisit.
7. Ta feme er jantys chelleeragh dy ghoail ayns laue ny boiraghyn mychione arraghey surransee ayns etlanyn.
8. Ta feme er lhiasaghey'n claare-scannal slaynt, as shegin ymmydey'n argid currit cour claare-eamee/geamagh reesht son scannal-keeagh dy chur bree da'n shirveish shoh dy chelleeragh.
9. Ta feme ec y thie-lheihys dy chur enn er ny bun-oyryn jeh traaghyn-farkee liauyrey, erskyn ooilley son shirveishyn ortopeedagh as sooilloaylleagh, as cur laue huc dy preaysagh.
10. Ta feme er cur er bun recortys-gaue vees cur er enn ny ard-ghaueyn strateyshagh, co-chorpagh, as ard-ghaueyn-lhee. Veagh y recortys-gaue ny ghreie undinagh da'n ard-skimmee sheckteragh cour fgoaill baght coorsagh.
11. Ta feme er aghtyn dy hickyraghey dy vel Olteynyn jeh'n Chiare as Feed goaill ayn breeoil ayns reaghey ny tosheeaghtyn jeh livrey slaynt as kiarail-slaynt, soit er meihaghey femeyn-slaynt as er livrey shirveishyn ta sauchey as yn-ymmyrkey.

12. Ta feme er y thie-lheihys dy ghoaill ayns laue leeideilys-lhee, freggyrtaht as oaseirys, as y vreeoilid-lhee jeh lheihyssyn son ny shirveishyn as enn currit orroo myr shirveishyn er lheh. Ta feme er cur er bun ahtyn dy reaghey kys ta gaueyn-lhee goll er meihaghey as reirey, cre ny cowraghyn-cooilleenee vees feme orroo, as cre ny boodeeyssyn vees femoil lesh shirveishyn cosoylagh ayns buill elley. S'femoil smooiinaghtyn er yn yn-obbraghey as y vreeoilid-chostys jeh kiarail ooilley ny paart jeh ny shirveishyn er lheh ayns yn Ellan.

Goan-foshlee

Foddee yn Oaseirys Kiarail-slaynt gobbraghey cheumooie jeh'n Reeriaght Unnaneyisit dy choyrلاغhey as dy chooney lesh livrey kiarail-slaynt. Rheyynn Slaynt as Shickyrys y Theay ayns Manninn, haink ee gys yn Oaseirys Kiarail-slaynt dy chooney lhee dy chooilleenee e currym dy chur bree da claare cronnal as fondagh ry hoi meihaghey'n chiarail-slaynt t'ee livrey as goardaghey ass lieh phobble yn Ellan.

Va Rheyynn Slaynt as Shickyrys y Theay shirrey er yn Oaseirys eh dy scrutaghey ny saaseyn v'ayn dy veihaghey quallid ny shirveishyn gear kiarit ayns yn Ellan, erskyn ooilley ec Thie-lheihys Noble. Ghow shoh stiagh jeeaghyn er nyn gliaghtaghyn cour oardaghey shirveishyn gear kiarit sy Reeriaght Unnaneyisit, vel shirveishyn gear er lheh kiarit syn Elan yn-yummyrkey, as scrutaghey yn argidys cour kiarail ghear. Choard yn Oaseirys Kiarail-slaynt scrutaght y yannoo. Ronsee eh ny ahtyn goit ayns laue ec Rheyynn Slaynt as Shickyrys y Theay ayns Mannin dy hickyraghey dy vel quallid ard ec y livrey-ys jeh kiarail-slaynt gear ta'n pobble ynnydagh geddyn, dy vel stundayrtyn kiart dy hauchys echey, dy vel eh cur er e hoshiaght sharaghey shirveishyn da surransee, as dy vel ny ahtyn shoh soilshaghey feeuid vreeoil son yn argid ta goll er ceau ec y traa t'ayn. Ayns scrutaght yn Oaseirys Kiarail-slaynt, va ymyyd jeant jeh Stundayrtyn cour Slaynt Share, veih Rheyynn Slaynt y Reeriaght Unnaneyisit. Ta treishtyn SSA ayns Sostyn goll er meihaghey liorish shoh. Ny va feddynit sy scrutaght shoh, ver eh yn undinys da Mannin dy lhiasaghey as cur bree da jantys cooie dy ghoaill ayns laue cooishyn cour sharaghey, as tooilley scrutaghey. As eh jannoo yn scrutaght, ren yn Oaseirys ymyyd jeh crauelaghyn cour meihaghey va lhiasit ec yn Oaseirys Kiarail-slaynt as yn Oaseirys-scrutee, agh cheaghil eh ad kyndagh rish ynricanys yn Ellan as y cooylrey ynnydagh ta kiarail-slaynt goll er livrey ayn. Ghow shoh stiagh goaill ayns laue myn-oltscarrey jeh'n fysseree va ry gheddyn ayns ny shirveishyn-thie-lheihys gear, stundayrtyn-lhee as stundayrtyn argidoil as reiragh dy chliaghtey, as ny cowraghyn-cooilleenee as deanyn-cooilleenee v'ayn. Chammah as shen, chum yn Oaseirys quaaityssyn marish, as haggil eh fys veih, surransee, olteynyn jeh'n theay, olteynyn jeh reaghysyn arryltagh as giastyllagh, Olteynyn jeh'n Chiare as Feed, ta ayns jeh Ard-whaiyl Vannin, as skimree veih'n thie-lheihys, Rheyynn Slaynt as Shickyrys ayns Mannin, as ard-chiarail, goaill stiagh fir-lhee cadjin. Myrgeeddin, chum yn Oaseirys quaaityssyn marish kuse dy reagheydyssyn sy Reeriaght Unnaneyisit as coonraghyn oc ayns Mannin dy livrey kiarail-lhee as lheihys ass nyn leih, ny livrey ynsagh-lhee as reillyn. Va kuse dy vaghtyn goit jeh ardjyn-lhee as ardjyn elley ayns Thie-lheihys Noble. Ta'n Oaseirys Kiarail-slaynt freggyrtaht son claare dy scrutaghtyn portfolio thie-lheihys gear jeh treishtyn SSA ayns Sostyn. T'ad shoh scrutaghtyn-cooilleenee as ymyyd jeu dy veihaghey cliaghtey-lhee ayns shirveishyn thie-lheihys gear. Va ymyyd jeant jeh ny greieyn-scrutee shoh myr ayns jeh'n scrutaght shoh. Ghow yn

thie-lheihys aynr ayns tree scrutaghtyn-cooilleenee: reireydys jeh surransee cheet stiagh, reireydys jeh stooghyn-lheihys, as shirveishyn faaishnys-enn.

Cooylrey

Ta Mannin ayns Mooir Vannin, magh ass slyst-marrey heear-hwoaie Hostyn. T'ee ny cheer hene-reill as croghagh jeh'n Chrooin lesh ard-whaiyl as reiltys eck hene. Chan el ee, as cha row ee rieau, aynr jeh'n Reeriaght Unnaneyssit. Ta tree shamyrn ec Ard-whaiyl Vannin: Tinvaal as e vanglaneyn, y Chiare as Feed, as y Choonceil Slattyssagh. Ta 24 olteynyn ec y Chiare as Feed ta goll er reih dy jeeragh ec y theay. Ta hoght olteynyn ec y Choonceil Slattyssagh, reiht ec y Chiare as Feed, as tree olteynyn pointit. Ta ny banglaneyn soie ry cheilley gagh mee dy reaghey polaseeyn. V'eh recortit ayns coontey-pobble 2001 dy row 76,315 dy leih cummal ayns Mannin. Ayns tuarastyl slaynt theayagh yn Ellan ayns 2004 v'eh grait dy row 76,888 dy leih ayn. Ayns imbagh ny turryssee, ta'n earroo bishaghey dy liooar, erskyn ooilley tra ta'n ratch-raad TT goll er. Ta shoh tayrn mysh 40,000 dy leih gys yn Ellan.

Ta'n earroo dy phobble ayns Mannin er vishaghey dy coorsagh harrish y nah lieh jeh'n feedoo eash. Ooilley cooidjagh, t'eh oolit dy jean yn earroo bishaghey dy coorsagh foastagh, liorish red goll rish 6% ayns gagh nane jeh'n daa yeihaght ta ry heet. Agh sy nah yeihaght, t'eh jerkit dy jean yn earroo dy leih shinney (65 bleaney as ny shinney) bishaghey ec raayt foddey ny syrjey.

Ta tarmaynys cormit ec Mannin, ta cochiangley jeadyssyn tradishoonagh, myr eirinys, eeastagh as turrysidd, lesh shirveishyn argidoil as jantyssaght. Ta ny sloo na 1% dy leih-obbee ass obbyr.

Ta shirveishyn kiarail-slaynt goll er livrey ec Rheynt Slaynt as Shickyrys y Theay as ayns 2004/5 va'n lane vushaid-roie eck £327 millioon.

Ta Rheynt Slaynt as Shickyrys jeant ass:

- Shirveishagh Slaynt as Shickyrys y Theay, pointit fo Slattys Coonceil ny Olteynyn 1990
- tree olteynyn jeh Tinvaal, pointit fo Slattys Rheynt Reiltys 1987 myr chaghteryn dy ghellal rish shirveishyn-slaynt, shirveishyn y theay, as shickyrys y theay
- tree fo-rheyntyn shirveish as un ard-fo-rheynt, enmyssit oik yn ard-sheckteragh

Currym as freggyrtyssyn ny fo-rheyntyn shirveish as yn ard-fo-rheynt, t'ad bentyn rish ny shirveishyn shoh heese:

- oik yn ard-sheckteragh – plannal cour strateysh as dellal, lhiasaghey as freayll rick er kiarail-slaynt as kiarail y theay, as cur er e hoshiaght shirveish-slaynt ooilley-ghoaillagh cour sharaghey slaynt chorpoil as inchynagh phobble yn Ellan as lhiettal, cur faaishnys-enn er, as cur lheihys da, chingys
- fo-rheynt kiarail-slaynt – shirveishyn ard-chiarail as shirveishyn-kiarail ec y nah leval, goaill stiagh Thie-lheihys Cheerey Ardjyn Rhumsaa, Thie-lheihys Noble as y lught-stiuree slaynt theayagh
- fo-rheynt shickyrys y theay – cooney cadjin argidoil, pohlldal penshyn as cheet-stiagh, toyrtysyn as coardail as polasee as slattyssyn
- fo-rheynt shirveishyn theayagh – shirveishyn theayagh da sleih aasit, paitchyn, lughtyn-thie as slaynt inchynagh

Ta strateysh ec Mannin cour slaynt, jeant ayns 2003, as shoh ny ard-deanyn eck:

- dy leodaghey baaseyn roish y traa
- dy chur ny caaghyn share son bea da paitchyn as sleih aegey yn Ellan
- dy chur er e hoshiaght neuchroghedydys as dy vishaghey ny bleeantyn seyr veih anlheitys son sleih aasit
- dy hickyraghey dy vel sleih geddyn shirveishyn kyndagh rish feme as cormid
- dy haraghey slaynt inchynagh y phobble
- dy choadey slaynt y phobble as dy leodaghey ny reddynt ta cur yn olk er slaynt

Ta paart dy aghtyn ta obbyr shirveishyn-slaynt goll er towse bentyn rish ny deanyn strateyshagh shoh. Crauelaghyn shirveish ashoonagh va lhasit son Sostyn as Bretyn, t'ad goit myr stiurey son tosheeaghtyn-shirveish ayns Mannin. Chammah as crauelaghyn shirveish ashoonagh, ta'n Ellan jannoo ymmyd jeh stiurey soit er feanish as reillyn jeant ayns buill elley, goll rish colleishyn reeoil sy Reeriaght Unnaneydit, claare Moggyl Linnaghyn-stiuree Eddyrrholleishagh Nalbin, as stiurey veih Undyns Ashoonagh Slaynt as Erbaghtallys-lhee son Sostyn, as linnaghyn-stiuree eddyrashoonagh elley. Deanyn currit er bun sy Reeriaght Unnaneydit as deanyn currit er bun dy h-ynnydaght, t'ad goit stiagh sy chrauelagh son sharaghey slaynt, as cowraghyn elley dy veihaghey cooilleeney, t'ad lhasit veih fysseree cosoylagh as veih reagheydyssyn.

Ec y traa t'ayn, ta Rheynt Slaynt as Shickyrys y Theay lhasaghey e claare cour fysseree strateyshagh myr tosheeaght, dy haraghey'n lheed as cruinnys jeh'n fysseree-lhee as fysseree reiragh ta ry gheddyn.

Cha nel monney fys ec yn Ellan bentyn rish fysseree mychione drogh laynt y phobble harrish y phobble ooilliu. Fysseree veih'n choontey-pobble ayns 2001, ta soit er ooley jeant ec un pheiaagh, t'eh soilshaghey dy vel slaynt inchynagh ny ayn mooar jeh drogh laynt ayns gagh possan-pobble. Fir-lhee cadjin as skimmee thie-lheihys, t'ad ceau ram traa as cooid dellal rish doilleidyn slaynt inchynagh, erksyn ooilley merginys, gorley Alzheimer ny asslaynt aghtysshagh.

Ayns 2000 hie ny ard-oyryn jeh baaseyn chummaltee Vannin er recortey myr gorlaghyn jeh'n choarys kiarklagh (48%), goaill stiagh gorley-cree coroanagh as gorley kerrochuishlagh, as kahngyryn (24%) lurg shen. Ass ooilley ny baaseyn kyndagh rish kahngyr, va 39 jeu kyndagh rish kahngyr scowanagh, 17 kyndagh rish kahngyr-collane, 15 kyndagh rish kahngyr prostaitagh, as 13 kyndagh rish kahngyr-keeagh. 13% jeh ny baaseyn, v'ad kyndagh rish gorlaghyn jeh'n choarys ennalagh. Ta ny gorlaghyn shoh enmyssit myr tosheeaghtyn ayns ny deanyn currit ayns Strateysh cour Slaynt son Mannin as Crauelagh cour Sharaghey Slaynt. Veih coontey-pobble 2001, va stadynt foddey-charrymagh jannoo er 8,236 cummaltee (10.8%) . Va'n chooid smoo jeu shoh 55 bleeaney dy eash as ny shinney.

Hie Thie-lheihys Noble er fosley Jerrey Souree 2003, lurg arraghey gys ynnyd noa as troggalyn noa. Ta 20 ward as 314 lhiabbaghyn ayn, goaill stiagh lhiabbaghyn da sleih aasit, lhiabbaghyn-moirys, lhiabbaghyn unnid aght-laa, spoaryn cour lhiabbaghyn cohamyryn aasoaylleaght, cleanynt noa-ruggyr as lhiabbaghyn da paitchyn. She unnidyn lesh kiare lhiabbaghyn y chooid smoo jeh ny wardyn, chammah as shamyrin lesh premmee as cullee-oonlee da un surransagh, as shamyrin-laa. Ta queig lheelannyn er lneh ayn da surransee-mooie, cour laue-lheey, lheihys cadjin, mraane as paitchyn, as ortopeedaght as trauma, goaill stiagh lheelann cour craueyn brisht, chammah as shiaght shamyrin-obbraid. Ta ard-reddynt elley goaill stiagh coarys scell-X gyn fillym, ta taishbyney jallooyn lectraneagh ec stashoonyn-lhee feiy'n thie-lheihys, jallooaghey aavuilley magnaiddagh (JAM) as y scanneyder tomografeeaght

lesh co-earrooder (TC); unnid jantysaght radio-photecareeys as killag-nieuagh, as ynnyd noa cour y chingys millish. .

Ta kuse dy stiureydgahyn-lhee ayn, goaill stiagh lheidhys as shirveishyn son sleih shinney, kiarail chriticoil, laue-lhees, ortopeedaght, trauma as surransee phreevaadjagh, shirveishyn son mraane as paitchyn as shirveishyn patoaylleaght, radio-oaylleaght, as pohlldal-lhee.

Ynnydyn ec y trass leval sy Reeriaght Unnaneynit, t'ad cur shirveish da surransee-sthie as surransee-mooie veih Mannin ta currit er oi ec fir-lhee ayns Mannin. Son y chooid smoo, ta ny shirveishyn shoh goll er livrey ec Treisht SSA Lerpoyll Ynnyd Chreeracksagh, Treisht SSA Ynnyd Clatterbridge Aasoaylleaght, Treisht SSA Thie-lheidhys Reeoil Lerpoyll cour Paitchyn, Treisht SSA Thieyn-lheidhys Ollooscoill Lerpoyll Reeoil as Broadgreen, as Treisht SSA Ynnyd Walton cour Neayroylleaght as Neayrlaelheidhys.

Ta'n thie-lheidhys failley na shlee na 1,000 dy skimmee lane-emshyragh (earroo breeoil) as ta 16 d'ir-lhee coyrlee veih'n Reeriaght Unnaneynit cur shilley er y thie-lheidhys. Son y chooid smoo, t'adsyn stiurey lheidhys cour surransee-mooie as t'ad gobbraghey marish 42 fer-lhee coyrlee ta faillit ec y thie-lheidhys.

Bushaid Thie-lheidhys Nobel son 2005/6, v'ee £47.5 millioon son skimmee as shirveishyn y thie-lheidhys. Ec y traa t'ayn ta'n vushaid son ard-skimmee-lhee goll er reirey ec Rheyynn Slaynt as Shickyrys y Theay, as t'ee £11.2 millioon. Toshiaight Arree 2006, hug y Reiltys tooilley argid da Thie-lheidhys Noble (£2.3 millioon), as tooilley argid da ard-skimmee-lhee (£1.8 millioon).

Ta coardail daa-heuagh eddyr Reiltys Vannin as Rheyynn Slaynt Hostyn – kiarail-slaynt sy Reeriaght Unnaneynit son cummaltee Vannin ta costal seose gys £3 millioon, t'ee goll er livrey. Myr eeck erash, cummaltee y Reeriaght Unnaneynit ta cur shilley er Mannin, t'ad geddyn kiarail-slaynt ayns shen. Tra ta kiarail-slaynt costal ny shlee na £3 millioon ayns nane jeh ny reillyssyn, ta argid-cormee goll er eeck.

Ta'n tuarastyl shoh cur geill er lheidh da ny reddyn hooar yn Oaseirys Kiarail-slaynt veih'n scrutaght. Fysseree staddysaghtoil mychione y scrutaght as ny tree scrutaghtyn portfolio thie-lheidhys gear, t'eh ry gheddyn er jysk cumir lhaih cooinaght (JCLC), ny er ynnyd-eggey yn Oaseirys Kiarail-slaynt ec www.healthcommission.org.uk

Booise

By vie lesh yn Oaseirys Kiarail-slaynt booise y chur da ooilley ny surransee, sleih-mooinjerey, lught-kiarail as olteynyn jeh'n they, skimmee veih reagheydyssyn arryltagh as giastyllagh, skimmee veih reagheydyssyn ard-chiarail as reagheydyssyn theyagh elley ayns yn Ellan as y Reeriaght Unnaneynit, son y cooney hug ad da'n scrutaght shoh. Chammah as shen, by vie lesh yn Oaseirys Kiarail-slaynt booise y chur da skimmee Rheyynn Slaynt as Shickyrys y Theay as da skimmee Thie-lheidhys Noble.

Jaloo 1: Stundayrtyn son Slaynt Share

Sauchys

Ta sauchys ny surransee goll er niartaghey liorish aghtyn-kiarail-slaynt, cliaghtaghyn-obree as jannooy n oardreilagh ta lhiittal ny leodaghey'n gaue jeh jannoo skielley da surransee.

Breeoilid-chostys as breeoilid-lhee

Ta surransee cosney foayssyn kiarail-slaynt ta cooie dauesyn hene liorish briwnyssyn as shirveishyn kiarail-slaynt, soit er ny ta cur troaryn-lhee fondagh, soilshit ec feanish-ronsee meihit.

Gurneilys

Leeideilys reiragh as leeideilys-lhee as freggyrtaught, chammah as cultoor, coaryssyn as cliaghtaghyn-obbee yn reagheydys, t'ad shickyraghey dy vel ynrickys, shickyrys-quallid, sharaghey-quallid as sauchys ny surransee ec y vean jeh gagh red ta'n reagheydys-slaynt jannoo.

Focus-surransee

Ta kiarail-slaynt goll er livrey ayns boodeeys marish surransee, nyn lught-kiarail as sleih-mooinjerey, cur arrym da ny femeyn as reihghyn anchasley oc, as da ny reddyn share lhieu, as ayns boodeeys marish shirveishyn ta dellal rish gien mie ny surransee.

Kiarail roshtynagh as freggyragh

Ta surransee geddyn shirveish cho tappee as oddys shen ve jeant. Ta reih oc bentyn rish roshtyn shirveish as lheihs, as myr shen cha nel moalys neuymmyrchagh jannoo orroo ec keim erbee sy livrey-ys jeh'n chirveish, ny ayns raad y chiarail.

Chymmyltaght-chiarail as seyraaidyn

Ta kiarail goll er livrey ayns chymmyltaght ta cur er e hoshiaght gien mie ny surransee as y skimnee, chammah as cur arrym da femeyn ny surransee as ny reddyn share lhieu. Ta'n chymmyltaght kiaddit ry hoi livrey-ys breeoil as sauchey jeh lheihs, kiarail, ny currym er lneh, as t'ee cur wheesh preevaadjys as oddys ve ayn. T'ee cummit seose dy mie as glennit dy gheddyn ny troaryn-slaynt share da surransee.

Slaynt theayagh

Ta claareyn as shirveishyn goll er kiaddey as livrey, co-obbraghey marish ooilley ny reagheydyssyn as co-phobblyn cooie, dy chur er e hoshiaght, coadey as sharaghey slaynt y phobble ta geddyn y chirveish, as dy leodaghey neuchorrymid-slaynt eddyr possanyn anchasley jeh'n phobble as ardjyn anchasley.

Stundayrtyn son Kiarail-slaynt

Ny va feddynit sy scrutaght shoh, t'eh goll er cosoylaghey rish Stundayrtyn son Slaynt Share y Rheynt Slaynt (jeeagh er Jalloo 1), ta cur y leval dy whallid ta jerkit veih reagheydyssyn kiarail-slaynt as livreyderyn neuchrogheydagh jeh kiarail-slaynt SSA ayns Sostyn. Va Rheynt Slaynt as Shickyrys y Theay ayns Mannin gearree ve abyl shickyraghey jee hene dy vel e stundayrtyn dy chiarail-slaynt gear corrym rish cliaghtey-lhee ayns buill elley, er y chooid sloo, as dy vel e shirveishyn-lhee sauchey as yn-yymmyrkey.

Sauchys

Ta Thie-lheihs Noble er lhiasaghey polaseeyn cour ronsaghey taghyrtyn as cur magh fys my nyn gione. Va polasee ayn ry hoi cur magh fys er taghyrtyn, polasee ry hoi ronsaghey taghyrtyn trome-chooishagh, as polasee ry hoie oltscarrey ny oyrin jeh taghyrtyn. Va feanish ayn dy row yn chooid smoo jeh'n skimnee-lhee currit dy liooar da cur magh fys er taghyrtyn, agh cha row ooilley'n skimnee cur twoaie da'n agh dy ronsaghey taghyrtyn. Veagh eh foaysagh dy beagh ny polaseeyn shoh currit ry cheilley as jeant stroshey dy yannoo un docamad-aghtee ta co-ghreimmagh. Son shickyrys, veagh feme er graaydal sorchyn dy haghirt rere creoiys, myr t'eh soilshit hannah sy pholasee cour cur magh fys er taghyrtyn. As veagh feme neesht er soilshaghey'n lane chassan cour cur magh fys er taghyrtyn, gys ronsaghey as feaysley. Ec y traa t'ayn, cha nel agh sy choarys dy vod ard-skimnee shickyraghey

dy vel quallid dy liooar ec tuarastylyn mychione taghyrtyn, as dy vel moyllaghyn baghtal ayns ny tuarastylyn cour jantys. Va'n thie-lheihys er chionnaghey bun-fysseree lectraneagh dy haghirtyn as gaueyn, v'ec y cheim-phrowal. Tra vees bree currit da'n vun-fysseree shoh harrish y thie-lheihys, nee eh lhiggey da skimmee d'ooley as oltsarrey beoynyn ayns taghyrtyn.

Va linnaghyn-stiuree er nyn lhasaghey cour polasee ry hoi coadey paitchyn. Va boandyr-toshee ec Rheynt Slaynt as Shickyrys y Theay cour coadey paitchyn, as v'ee er chur enn er peediatreyr-coyrlee dy leeideil freggyrtyssyn-lhee-toshee. Va enn er ve currit er kuse dy skimnee-lhee myr skimnee-kianglee cour cooishyn jeh coadey paitchyn. Va traenal cour coadey paitchyn ry gheddyn, agh ooilley'n skimnee v'ayns feme jeh, cha row ad er gheddyn eh.

Va saaseyn ayn cour leodaghey ny gaueyn jeh kiarail-slaynt bentyn rish doghan. Agh va boirey ayn nagh row coarys-arrey kiart ayn dy hickyraghey dy row baght fondagh goll er goaill jeh raaytyn as beoynyn jeh doghanyn. Cha nel mynjeig chooid vog fo raad ta shickyraghey dy vel baght fondagh goll er goaill jeh raaytyn as beoynyn jeh doghanyn, ta goll er recortey lesh y laue ec y traa t'ayn. Lhisagh y chooish shoh ve goit ayns laue tra ta'n polasee mychione smaght-doghan t'ayn nish goll er scrutaghey. Yn earroo dy lhottyn jeant ec snaidyn, v'eh troggit myr boirey ec paart dy haglymyn-bingey. Ta skimnee er nyn skielley kyndagh rish ymmydey ny geddyn rey rish snaidyn fo-chrackanagh as ymmyd jeant jeu ayns lheihys. Lhisagh scrutaght ve goit ayns laue d'eddyn magh quoid lhott-snaidey ta goll er jannoo da skimnee d'eaysley boiraghyn erbee. She boirey neesht va'n reireydys eirytyssagh jeh lheid ny lhottyn as skimnee ennagh geddyn fysseree as coyrle va neuchooie. Ta feme ec polasee 2004 mychione lhottyn-snaidey goll er jeanaghey as cur geill er lheid dy hickyraghey dy vel skimnee cur twoaie da'n agh d'insh mychione lhottyn myr shoh as dy gheddyn y lheihys cooie.

Va saaseyn ec y thie-lheihys cour insh mychione gaueyn as jannoo ronsaghtyn, goaill stiagh meihaghey-gaue er ny leeideil liorish jantys mooie. Va feanish ayn dy row scrutaghtyn goit ayns laue, shirveishyn as polaseeyn caghlaait as oardagh currit da moyllaghyn ec y ving gurneilys-lhee as skimnee sheckteragh y thie-lheihys. Haghyr shoh lurg taghyrtyn trome-chooishagh ennagh, goaill stiagh marranyn ayns caghlaa-folley as baase roish obbraid. Agh saaseyn cour cur bree da jantyssyn as enn currit orroo ayns scrutaghtyn, cha row ad kinjagh baghtal. As myr shen, moyllaghyn veih meihaghey gaueyn as scrutaghtyn jeh shirveishyn, cha row ad kinjagh cooilleenit, ny bree currit daue, ec skimnee sheckteragh y thie-lheihys. Cha row recortys-gaue co-chorpagh ec y thie-lheihys. Lurg meihaghey gaueyn as ronsaghtyn, t'eh gymmyrch niartaghey insh, as ta feme er recortys-gaue reagheydyssagh ta soilshaghey ny ard-ghaueyn strateyshagh, co-chorpagh as clinicoil oddagh jannoo er y thie-lheihys. Cho Leah as vees enn currit er ny ard-ghaueyn shoh, lhisagh ad goll stiagh ayns plannyn strateyshagh as plannyn-obree yn thie-lheihys myr ayn jeh crauelagh reireydys-cooilleenee son skimnee sheckteragh y thie-lheihys.

Gaueyn-lhee trome-chooishagh as boiraghyn, va enn er ve currit orroo hannah ayns kuse dy scrutaghtyn as tuarastylyn bentyn rish shirveishyn ayns etlanyn as ymmyd jeant jeu d'arraghey surransee veih'n Ellan gys y Reeriaght Unnaneysit son lheihys, agh cha row monney er ve jeant d'eaysley ny cooishyn shoh. Cooishyn as tastey goit jeu, ghow ad stiagh genney cabbane traastit cour arraghey surransee, smaght er tempireilys nagh row fondagh, as staydyn jingit da surransee, lught-kiarail as skimnee. Ta feme er jantys preaysagh dy chur bree da moyllaghyn y phossan-obree son arraghey-aer da surransee. Y skimnee son arraghey ayns etlanyn, v'eh baghtal dy row ad schleioil as cummeydagh bentyn rish ny v'orroo jannoo, agh begin daue

jannoo lesh chymmyltaght nagh row mie ayns ny etlanyn. Ta feme er stiurey as leeideilys lajer dy hickyragehy dy bee reddyn jeant dy chelleeragh dy ghoaill ny doilleeidyn shoh ayns laue.

Breeoilid-lhee as breeoilid-chostys

Crauelaghyn-shirveish ashoonagh va lhiasit cour Sostyn as Bretyn, dinsh Thie-lheihys Noble da'n Oaseirys dy vel ad goit rish myr stiurey son tosheeaghtyn-shirveish Vannin.

Dinsh y thie-lheihys da'n Oaseirys neesht dy ren ad ymmyd jeh stiurey soit er feanish chammah as reillyn jeant ec reagheydyssyn elley, myr sampleyr, colleishyn reeoil sy Reeriaght Unnaneysit, claare Moggyl Linnaghyn-stiuree Eddyrrholleishagh Nalbin, as stiurey veih Undinys Ashoonagh Slaynt as Erbaghtallys-lhee son Sostyn, as linnaghyn-stiuree eddyrashoonagh elley.

Va bree currit da linnaghyn-stiuree ennagh bentyn rish cliaghtey share, agh s'beg y feanish hooar yn Oaseirys mychione yn aght va'n feanish shoh kianlt lesh plannal shirveishyn as y livrey-ys jeh lheihys as kiarail. Cha row eh baghtal cre cho wheesh resooney as va jeant mychione ny linnaghyn-stiuree as quoid jeu va goit ayns laue, as cre'n saase v'ayn dy ghra beagh bree currit da stiurey ny dyn. Ta feme ec y thie-lheihys er reaghey'n aght t'eh gearree coardail rish stiurey mychione cliaghtey share, yn aght dy jannoo briwnyssyn mychione cliaghtey share, as yn aght vees enn currit er ny gaueyn jeh neuchoardail rish y stiurey shoh, chammah as yn aght hed ny gaueyn shen er reirey. Cur bree paartagh da stiurey mychione cliaghtey share, oddagh shen shen cur er y thie-lheihys livrey kiarail as lheihys er aghtyn neuhassooagh as neuhickyr, jannoo co-choardailys surransee gyn bree, ny cur y thie-lheihys ayns gaue jeh goll er shual. Lhisagh linnaghyn-stiuree baghtal ve goit ayns laue dy bollagh, er nonney lhisagh oyrin ve currit cre'n fa nagh vel ad goit ayns laue. Ta possan yl-cheirdagh ec y thie-lheihys cour polaseeyn as aghtyn clinicoil, ta coardail rish ooilley ny polaseeyn as aghtyn roish my jed ad son shickyragehy liorish bing gurneilys-lhee. Agh lhisagh y thie-lheihys smooinghtyn er aarlaghey fockley mychione ny linnaghyn-stiuree as stundayrtyn t'ad kiarail goaill rish, as lhisagh ad jannoo shickyr dy vel fys ec ooilley'n skimmee-lhee dy vel y thie-lheihys currit da ny linnaghyn-stiuree as stundayrtyn shen.

Va genney feanish ayn mychione troaryn-lhee. Chum kuse jeh'n ard-skimmee-lhee yn fysseree oc hene bentyn rish troaryn-lhee, agh cha row shoh rheynnit er egin harrish skimmeeyn ny stiureydahtyn, ny ymmyd jeant jeh myr slat-towse bentyn rish shirveishyn cosoylagh. Ta feme ec y thie-lheihys er shickyragehy dy vel fysseree yn-towse mychione troaryn-lhee ry gheddyn son gagh stiureydaht, as dy lhiggey da fir-lhee roshtyn y fysseree shoh mychione nyn gliaghtey.

Myrgeeddin, ta feme ayn dy bee yn fysseree shoh goit stiagh ayns ny aghtyn ry hoi freayll rick er cooilleeney-lhee gagh stiuerydaht, chammah as jannoo ymmyd jeh syn aght ry hoi meihaghey son fir-lhee-coyrlee.

Yn ymmyd jeh fysseree cour stundayrtyn-lhee veih kiareyder neuchrogheydaghy jeh oltsarrey-fysseree cosoylagh as sharaghey quallid, v'eh currit er bun tammylt mie er dy henney. T'eh cur giare-choontey fysseree jeh'n whallid jeh 25 dy aghtyn-laelhees as oltsarraghyn er lhee. Agh, kyndagh rish lhiettalys smooinght bentyn rish genney cooid sy rheynn-fysseree, cha row yn fysseree currit magh ny ymmyd jeant jeh. Cha row agh y giare-choontey fysseree jeh quallid goll er ymmydey dy coorsagh ec y rheynn-fysseree. Ta coyrle lajer currit da'n thie-lheihys y fysseree shoh y chur magh da gagh fer-lhee cooie as rheynn chooie.

T'eh coyrlit dy lajer da'n thie-lheihys dy jean eh lhiasaghey coaryssyn as aghtyn cooie dy hoilshaghey dy vel e hirveishyn-lhee sauchey, yn-yymyrkey as yn-obbraghey dy h-argidoil, as dy vel ad corrym rish cliaghtey-lhee ta goll er livrey ayns buill elley, er y chooid sloo. Lhisagh shoh goaill stiagh lhiasaghey strateysh cour breeoilid-lhee, kianlt lesh y strateysh cour scrutaght-lhee, veagh goaill stiagh yn ymyd jeh stiurey soit er feanish as fysseree cour stundayrtyn, oddagh goll er ymydey dy howse y cooilleeney jeh fir-lhee.

Polasee Rheynt Slaynt as Shickyrys y Theay, hug eh crauelagh cour oardaghey-lhee, oardaghey, geddyn, stoyral as reirey druggaghyn. She cliaghtey share va'n polasee as hickyree eh sauchys ny surransee tra hie druggaghyn er oardaghey-lhee daue as tra v'ad currit daue. Ta'n thie-lheihys er lhiasaghey list dy stoo-lheihys enmyssit formlyars y thie-lheihys, ta cur fys er stoo-lheihys oddys as lhiasagh goll er oardaghey-lhee. Agh va stoo-lheihys dy liooar goll er oardaghey-lhee nagh vel er y formlyars. Ta feme ayn dy chur tooilley rick da shoh as dy ghoaill ayns laue goll er shaghryn veih list coardit dy ghruggaghyn formlyaragh. Lhisagh ny bingaghyn-gurneilys cour druggaghyn, therapye as lheihys goaill y chooish shoh ayns laue. Myr ayn jeh'n scrutaght shoh, ghow yn Oaseirys ayns laue myn-scrutaght jeh reireydys stoo-lheihys, as ny va feddynit, ta ny mynphointyn ry gheddyn sodjey heese sy tuarastyl shoh. Hug y thie-lheihys fysseree da'n Oaseirys mychione surransee son kiare bleeaney argidoil (Averil 2001 gys Mayrnt 2005). Va 1,099 baaseyn eddyr Averil 2001 as Mayrnt 2005. Er lhimmey jeh laue-lheey-beill, va raayt injil son baase gear-cheim. Agh, bentyn rish laue-lheey-beill, cha row bree staddystaghtoil ayn, kyndagh rish yn earroo beg dy vaaseyn. V'eh myr shen neesht bentyn rish ny baaseyn gyn gear-cheim. Va 90 baaseyn eddyr Averil 2001 as Mayrnt 2005. Baaseyn bentyn rish lheihys da'n feer-henndiaght, trauma as ortopeedaght, v'ad shen ny ynrican fir va injil dy cowreydagh.

Oltscarrey'n fysserree veih coarys -reireydys ny surransee, hug eh faaue dy row kiangley ayn eddyr y mooadys d'obbyr goit ayns laue as y troar-kiarail bentyn rish raaytyn-baish. Va oltscarrey goit ayns laue son kuse d'obbraidyn laue-lheey, goaill stiagh laue-lheey-keeagh, gearrey lurgey jeh, caghlaa lhesh, caghlaa glioon, as gearrey magh aarey. Shiaght obbraidyn ass ny nuy obbraidyn as oltscarrey jeant jeu, v'ad jeant eddyr Averil 2001 as Mayrnt 2005. Son y chooid smoo, cha ren agh un ny daa er-lhee-coyrlit gagh obbraid. S'beg va'n earroo dy vaaseyn bentyn rish ny obbraidyn shoh as, myr shen, cha dod oltscarrey staddystaghtoil goll er jannoo. Oltscarrey jeh ny obbraidyn va jeant er paitchyn fo shey bleeaney jeig dy eash, hoilshie eh dy ghow ooilley ny laue-lheeghyn obbyr er paitchyn ayns laue.

Beggan ny shlee na 90% jeh surransee as faaishnys-enn currit orroo dy row craue-lheshey brisht oc, hie ad fo skynn fer-lhee. Choyrlee Colleish Reeoil ny Fir-lhee dy lhiasagh ny surransee shoh goll fo skynn cheusthie jeh 24 oor lurg cheet stiagh sy thie-lheihys. Ooilley cooidjagh, hie 32.9% jeh ny surransee fo skynn y laa haink ad stiagh. As hie 48.1% fo skynn cheusthie jeh un laa as 10.8% y nah laa. Myr shen, hie 91.8% jeh ny surransee fo skynn cheusthie jeh daa laa erreish daue v'er jeet stiagh sy thie-lheihys. Jeeaghyn er beoynyn harrish paart dy hraa, y keeadane dy hurransee goll fo skynn cheusthie jeh daa laa lurg cheet stiagh, t'eh er groll seose dy coorsagh gagh blein veih 81.8% ayns 2001/2002 gys 92.7% ayns 2004/2005.

Ta Mannin ny reagheydys boodeeysaghy ayns moggyl-kahngyr Merseyside as Cheshire. Ta'n Ellan er chur er bun possan-kiartag as strateysh cour shirveishyn-kahngyr, agh ta feme echey er cur bree da plannyn cour livrey shirveishyn-kahngyr dy hickyraghey dy vel surransee geddyn y lheihys smoo cooie dy tappee. Ta'n Ellan er phointeil boandyr-toshee cour shirveishyn-kahngyr, agh ta feme preaysagh er pointeil

coyrleyder-lhee-toshee as fer-lhee cadjin leeideilagh dy chur er oi obbyr-lhiasee yn chirveish-chahngyr. Chammah as shen, ta feme er pointeil leeideilee sheckteragh breeoil son shirveishyn-kahngyr ec leval Rheynt Slaynt as Shickyrys y Theay as ec leval thie-lheihys. Lhisagh cuirrey ve currit da moggyl Merseyside as Cheshire dy chooney lesh yn Ellan dy chooilleeney stundayrtyn coardit jeh kiarail. Foddee dy nhegin reaghey stundayrtyn er lneh, kyndagh rish ynricanys femeyn yn Ellan. Lhisagh yn Ellan ve aarloo dy jed e hirveishyn-kahngyr er scrutaghey dy cremeydagh liorish y voggyl-kahngyr ayns coardail rish jantys cadjin y voggyl-kahngyr ec y traa t'ayn. Ta feme ayn dy reaghey'n aght dy ghellal rish kahngyryn ayns earrooy beggey, as ta feme er reaghyssyn conaantagh smoo formoil lesh kiareyderyn-shirveish sy Reeriaght Unnaneyssit.

Va kuse dy hirveishyn kiarail-slaynt sy Reeriaght Unnaneyssit er nyn oardaghey ass lieh Mannin liorish skimnee-oardee er lneh Merseyside as Cheshire, ta reaghey coonraghyn neesht lesh paart dy hreishtyn SSA sy Reeriaght Unnaneyssit. S'beg y feanish hooar yn Oaseirys dy row reillyn as aghtyn co-hassooagh as baghtal ayn cour jannoo briwnyssyn clinicoil dy phohlldal arraghey surransee ersooyl veih'n Ellan. V'eh jeeaghyn dy row rouyr arraghey goll er, as cha row yn Oaseirys Kiarail-slaynt coontey shen dy ve kinjagh lowaltagh. Ta feme er scrutaght phreaysagh jeh arraghey surransee veih'n Ellan, bentyn rish smaght, cur kied, freayll rick, as freggyrtys, dy hickyraghey dy vel faaishnys-enn, lheihys as eear-chiarail chooie goll er livrey sy Reeriaght Unnaneyssit, tra nagh vel shen ry gheddyn ayns yn Ellan. Kiarail as lheihys, oddys as lhisagh goll er livrey dy h-ynnydagh, ta feme ayn enn y chur orroo ayns plan-obbee baghtal. Ta feme ec y thie-lheihys er lhasaghey commeeysyn as reaghyssyn conaantagh smoo formoil lesh ny shirveishyn t'eh goardaghey sy Reeriaght Unnaneyssit.

Va scrutaghtyn-lhee goit ayns laue dy scrutaghey shirveishyn-lhee as coardail rish cliaghtey soit er feanish harrish stiureydahtyn. Hie yn claare-scrutee as ny troaryn er resooney ec y ving-scrutee, agh cha row strateysh ny plan ooilley-ghoailagh ayn cour scrutaghey shirveishyn y thie-lheihys. Va beoyn ayn dy lhasaghey scrutaghtyn kyndagh rish anaase-lhee er lneh, ny myr ayn jeh claareyn-traenal, erskyn ooilley da skimnee-lhee sosharagh. Hooar yn Oaseirys feanish ennagh dy row paart dy scrutaghey yl-gherryoil er ve goit ayns laue myr ayn jeh 'y chalee cour caghlaa kiarail' ec y thie-lheihys, jeeaghyn er cooishyn goll rish preevaadjys, beeaghey as cummal recortysyn. Agh cha row monney feanish ayn jeh tooilley jantys-scrutee yl-gherryoil.

Ta feme er smoinaghtyn er lhasaghey plan-scrutee bleinoil as ymmydey'n fo-rheynt-scrutee jeh docamadys currit da meihaghey coyrleyderyn-lhee dy chleayney'n raad vees jantys-scrutee yl-gherryoil goaill. Eisht, lhisagh shoh ve goit stiagh lesh plannal-scrutee sy traa ry heet as lesh tosheelaghtyn shirveish-lhee yn thie-lheihys. Tuarastylyn veih Deanaght Mersey, reagheydys ta freayll rick er y stundayrt jeh traenal-lhee ayns Sostyn heear-hwoaie. Tuarastylyn veih Deanagh Mersey, v'ad er ghra dy co-hassooagh dy row skimnee-lhee sosharagh er nyn draenal dy mie as dy row ad fo oaseirys mie. Myrgeeddin, va boandyryn-studeyr goll er pohlldal dy mie as v'ad fo oaseirys mie ayns cliaghtey-lhee. Oaseirys-lhee jeh skimnee elley, v'eh neuhassooagh harrish stiureydahtyn, as cha row crauelagh ec y thie-lheihys dy hickyraghey'n oaseirys jeh skimnee-lhee, er lhimmey jeh'n oaseirys jeh fir-lhee sosharagh. Crauelagh cour oaseirys-lhee jeh ooilley'n skimnee-lhee, erskyn ooilley ard-skimnee-lhee, lhisagh eh goll er lhasaghey dy hickyraghey dy vel nyn gliaghtey sauchey as tannaghtyn cheusthie jeh ny cagleeyn profeshoonagh oc.

Va paart dy cho-obbraghey eddyr shirveishyn ard-chiarail as shirveishyn-kiarail ec y nah leval, ta goaill stiagh kuse dy lheelannyn cour surransee-mooie ec Thie-lheihys Cheerey Ardjyn Rhumsaa. as ard-skimmee-boandyrys as skimmee-slaynt profeshoonagh cosoylagh gobbraghey harrish y daa hirveish. Y commeys t'ayn eddyr skimmee-lhee ayns kiarail ec y nah leval as skimmee ard-chiarail, ta feme er goll er niartaghey. Ta feme ayn dy haraghey co-obbraghey harrish y daa leval, as ta feme ayn dy reaghey reillyn, erskyn ooilley son reirey co-staydyn dy hickyraghey dy vel ny femeyn er lneh jeh surransee goll er reirey harrish ooilley ny shirveishyn-slaynt.

S'beg y rheynt jeh fysseree-lhee va feddynit ec yn Oaseirys, as ta feme er fo-strughtoor s'fondee ry hoi reirey fysseree. Y chirveish cheumooie jeh ooryn-obbree da fir-lhee cadjin, v'eh soit ayns Rheynt Drogh-haghyrt as Gear-cheim, agh cha row commeys formoil erbee eddyr reireydys ny shirveishyn shoh. Dinsh fir-lhee cadjin da'n Oaseirys dy row ny boiraghyn oc goaill stiagh y feme er coarys share cour recortyssey pointeilyn son surransee-mooie, cur magh fysseree tappee dy liooar mychione plannyn-kiarail as fysseree lurg cochoyrleyn marish surransee-mooie, as shickyraghey dy vel surransee geddyn giare-choontaghyn ayns traa mie lurg jerrey nyn giarail as lheihys myr surransee-sthie cheusthie jeh'n Ellan as cheumooie jeh. Dinsh surransee as olteynyn jeh'n theya da'n Oaseirys dy row ad boirit neesht ec yn agh t'ayn nish cour reaghey pointeilyn da surransee-mooie, erskyn ooilley, yn doilleeid jeh reaghey pointeilyn eiyrtysaghy as ad faagail lheelannyn son surransee-mooie. Cha nel eh smooinit dy vel y coarys t'ayn nish cooie da femeyn ny surransee.

Gurneilys

Ny deanyn ooilley-ghoaillagh cour livrey shirveishyn-slaynt ayns Mannin, ta'n cummey oc currit ayns Strateysh son Slaynt ayns Mannin, jeant ec Rheynt Slaynt as Shickyrys y Theya ayns Mannin. Ta feme ec gagh leval jeh'n skimmee sy thie-lheihys as sy Rheynt er goaill shellooderys jeh'n strateysh shoh. Cha nel y strateysh son slaynt er ny chaghlaa gys plan-obbree, as cha row monney cormid jeh deanyn as tosheeaghtyn eddyr Rheynt Slaynt as Shickyrys y Theya as y skimmee sheckteragh ec y thie-lheihys. Ta feme er leeideilys niartal dy hickyraghey freggyrtys bentyn rish livrey shirveishyn feiy'n thie-lheihys liorish plan-obbree ta baghtal as tosheeaghtyn echey. Ta feme ayn dy jed y plan-obbree stiagh ayns lhasaghey plannyn-dellal baghtal da gagh shirveish as stiureydaht. Eisht, lhisagh ad shoh cur enn er crauelaghyn cour freayll rick er y chooilleeney jeh shirveishyn meanagh, shirveishyn er lneh, as shirveishyn clinicoil, reiragh as argidoil, as er ny currymyn as freggyrtysyn jeh skimmee-lhee-toshee as skimmee-toshee reiragh. Ny ard-deanyn jeh strateysh-slaynt Vannin, lhisagh ad ve er nyn gochorpaghey ayns coonrey noa ny coyrleyderyn-lhee.

Va strughtooryn as strateyshyn ayn cour gurneilys clinicoil as co-chorpagh, agh ta feme er lhasaghey insh as eh y yannoo smoo baghtal dy hickyraghey reaghyssyn cronnal cour freggyrtys livrey-ys ny shirveishyn. Veagh scrutaght jeh strughtoor-bingey cooie as traaoil, goaill stiagh olteynys as cagleeyn-currym gagh bing dy haghney dooblaghey erbee ny mestid-freggyrtys. Ta feme er niartaghey reaghyssyn cour insh dy chur shickyrys da skimmee sheckteragh y thie-lheihys as da Rheynt Slaynt as Shickyrys y Theya dy vel shirveishyn goll er livrey ayns coardailys rish y phlan-obbree. Ta feme ayn dy bee ny reaghyssyn cour gurneilys clinicoil t'ayn nish, dy bee ad soit dy fondagh as toiggit harrish y clane thie-lheihys. Currymyn as

freggyrtysyn skimmee as kiartaghyn reiragh oc, ta feme ayn dy jed ad er reirey cheusthie jeh crauelagh fondagh ry hoie reireydys-cooilleenee.

Fegooish toiggalys baghtal jeh jannoyn-cree coardit y thie-lheihys, as genney plan-obbree stiurit, v'eh doillee da'n Oaseirys dy howse ny meihaghey cre'n aght ta ny strughtoorn t'ayn nish pohldal y thie-lheihys as eh livrey shirveishyn. Cha nel leeideilys baghtal ec agh shirveish-lhee. Myr sampleyr, ta skimmee-lhee-toshee ayn da kahngyrn er lneh, agh cha nel leeideilagh-lhee ayn son ny shirveishyn-kahngyr ooilley cooidjagh. Genney leeideilee-lhee, v'eh er chroo genney freggyrtys son tosheeaghtey shirveishyn, reaghey stundayrtyn as lhiasaghey shirveishyn ennagh. Ta feme ayn dy hickyraghey dy vel y leeideilagh-lhee cooie ec gagh shirveish-lhee. Ta feme er baght bentyn rish y churrym as freggyrtys jeh gagh fer-lhee-toshee, goaill stiagh freggyrtysyn cour cur bree da breeoilid-lhee, cowraghyn jeh cooilleeney-lhee, as yn aght cour freayll rick as insh cheusthie jeh gagh stiureydaght-lhee.

Va ymyd jeant jeh deanyn chiarmaanit ny stundayrtyn chiarmaanit jeh cooilleeney-lhee, er lhimmey jeusyn reaghit ec Rheynt Slaynt as Shickyrys y Theay. Ta feme er coaryssyn share cour insh as freayll rick er cooilleeney, erskyn ooilley bentyn rish cowraghyn jeh cooilleeney-lhee. Er y gherrid, va Rheynt Slaynt as Shickyrys y Theay er lhiasaghey strateysh son skimmee va kiarail goaill ayns laue cooishyn-skimmee, goaill stiagh reaghey'n vestid chooie dy schleiyn son ooilley ny shirveishyn, as shickyraghey dy vel ny obbreeyn goll er pohldal, er traenal, er lhiasaghey, er cur ayns kiartaghyn, as er reirey dy breeoil. Ta feme ayn nish dy jig plan-obbree ass y strateysh shoh. Va plannal-obbreeyn ry akin bentyn rish shirveishyn-boandyrys as radio-oaylleaght, agh cha row plan ec y thie-lheihys cour lhiasaghey ny obbreeyn ooilley cooidjagh, dy hickyraghey yn yn-ymyrkey as lhiasaghey jeh livrey-ys shirveishyn nish as sy traa ry heet. Chammah as shen, cha row aght baghtal as coardit ec y thie-lheihys ry hoi pointeil ard-skimmee-lhee tra irreeys fir ass oik. Oddagh lheid yn aght goaill stiagh kianglaghyn lesh kiareyderyn jeh kiarail-slaynt sy Reeriaght Unnaneynit, er nonney arraghey skimmee mygeayrt. Cumrail geddyn ard-skimmee-lhee, foddee dy jean shen olk da ablid y thie-lheihys dy hebbal kinjaght jeh kiarail as shirveshyn sauchey.

Creearey-skimmee Rheynt Slaynt as Shickyrys y Theay harrish gagh shirveish slaynt as shickyrys y theay, hoilshee eh dy row ram boiraneyns, braggartys as lieh-vriwnys ayn. Er yn oyr dy vel y fysseree bentyn rish kuse dy hirveishyn as cha nee rish shirveishyn y thie-lheihys nyn lomarcan, veagh eh foaysagh earrooynt veih'n fysseree y vrishey sheese dy chur olscarrey smoo dendeysagh as smoo cruinn, as ny cooishyn shoh y ghoaill ayns laue.

Polaseeyn dy chur er e hoshiaght corrymid, arrym as cairyn sheelnaue, t'ad ayns feme jeh leeideilys niartal as caghlaa cultoor y thie-lheihys dy hickyraghey dy vel arrym goll er cur da'n skimmee ooilliu. Leeideilys niartal as caghlaa'n cultoor, nee shen shickyraghey neesht dy jed yn ymyrkey ymyrchagh goll er taishbyney as er soiaghey feiy'n thie-lheihys er lheid yn aght as dy chur er e hoshiaght co-obbraghey harrish ooilley ny keirdyn.

Cur bree da meihaghey harrish y thie-lheihys, hooar yn Oaseirys dy row eh neuchorrym. Raad va meihaghey goll er, hooar yn Oaseirys feanish dy row eh feer chooie da plannyn-lhiasee persoanagh as dy chleayn eh tosheeaghtyn traenal as tosheeaghtyn-ynsee son persoanyn. Ta feme ec y thie-lheihys er troggal er cliaghtey mie raad ta meihaghey goll dy mie, as er lhiasaghey'n neihaghey son skimmee feiy'n thie-lheihys as shickyraghey dy vel eh kianlt dy baghtal rish plannyn-dellal.

Hooar yn Oaseirys feanish dy row yn thie-lheihys ayns coardailys rish yn oardagh traa-obbree Oarpagh son fir-lhee sosharagh ta goll er traenal. Cha nel Mannin eginitt

lhiggey lesh yn oardagh Oarpagh son possan elley erbee dy skimmeec y traat'ayn. Va bree currit ec y thie-lheihys da aghtyn dy hickyraghey dy row scrutaghey ayn bentyn da failley as recortyssey.

Va kuse dy haaseyn cour eddyr-insh goll er ymmydey cheusthie jeh'n thie-lheihys, ren goaill stiagh cur fys da fwirranyn, earishlioar thie-lheihys, chaglymyn lheelannagh, agh ta feme orroo shoh goll er lhasaghey as sharaghey ny sodjey. Erskyn ooilley, lhisagh skimmee-lhee goail ayn ayns jannoo briwnyssyn co-chorpagh. Ta feme ayn dy niartaghey coaryssyn cour eddyr-insh daa-raad cheusthie jeh'n thie-lheihys, as ta feme er deanyn as tosheeaghtyn syn ymmyd jeh chaghnoaylleaght dy chooney lesh eddyr-insh.

Aght co-chorpagh cour reirey ynsagh as traenal lesh kianglaghyn gys plannyn-lhiasee persoonagh son skimmeec, va shen goll er lhasaghey. Va reaghysyn boodeeysaght jeant lesh kuse dy h-undinyssyn-ynsee, as va caaghyn-traenal as caaghyn lhasaghey profeshoonagh ry gheddyn, kianlt lesh obbyr y thie-lheihys. Dinsh skimmeec thie-lheihys dy row roshtynaght gys traenal as jeianaghey clinicoil goll er pohlldal feer vie, as hooar yn Oaseirys seyraaidyn-lioarlann mie erbaghtal cheusthie jeh'n ynnyd-ynsee.

Va paart dy skimmee-lhee er cheau traamarith kiareyderyn jeh kiarail-slaynt sy Reeriaght Unnaneydit dy lhasaghey ny jeianaghey nyn schleiy-lhee as fys. Va claare jeh traenal anneydaght fo raad, agh ny earrooyneusyn va kionfenish as recortyssey ny earrooyne shen, v'ad neuhassooagh harrish ny stiureydaghtyn. Dod boandyryn veih thieyn-boandyrys preevaadjagh goll son traenal as lhasaghey va reaghit liorish Thie-lheihys Noble as eekit liorish Rheyne Slaynt as Shickyrys y They. Chammah as shen, heb thieyn-boandyrys kiartaghyn-traenal da boandyryn-studeyr. Va kuse dy chlaareyn-ynsee as claareyn-traenal er nyn lhasaghey kyndaght rish livrey-ys shirveish er lhee. Agh ny yei shen, cha row tosheeaghtyn ec cooid voar d'ynsagh as dy hraenal, as cha row kianglaghyn baghtal ayn gys tosheeaghtyn-shirveish. Ta Rheyne Slaynt as Shickyrys y They er chur magh catalog-traenal da skimmeec. Ta feme ec reireyderyn er plannal dy lhiggey da'n skimmeec oc goll son traenal anneydaght as traenal-lhiasee cooie dy chooilleeney femeyn y strateysh-slaynt as y phlan-dellal-obbreec cour shirveishyn-slaynt gear.

She ard-voirey va genney fyssereec mychione reireydys as cooilleeney'n thie-lheihys. Cha row coaryssyn ry hoi reirey fyssereec lhasit dy liooar as, myr shen, va fyssereec reireydys missilagh ayn mychione levallyn-chingys, mychione freayll rick er earrooyneusyn kionfenish ec claareyn-traenal, er nonney mychione goaill ayns laue yn doilleeid jeh assaaraght ec claareyn-traenal anneydaght. Ta feme ayn dy lhasaghey reireydys-fyssereec dy hickyraghey aaveaghey traaoil as cooie ec gagh leval sy thie-lheihys, as dy chooney lesh Rheyne Slaynt as Shickyrys y They dy chiaddey as reirey cooilleeney er aght smoo breeoil.

Va baarney jeh £4.7 millioon ayns bushaid Rheyne Slaynt as Shickyrys y They Jerrey Fouyir 2005. Va faaishnys jeant dy beagh y vaarney ny shlee na £8 millioon ec jerrey ny bleeaney. V'eh er ve jeant baghtal ec Tashtey Vannin da'n Rheyne nagh lhisagh baarney erbee ve ny shlee na £8 millioon son y vlein. Ren Tashtey yn Ellan pohlldal vote-coonee liorish Tinvaal son £6.5 millioon tooilley da Rheyne Slaynt as Shickyrys y They, choud as dod ee soilshaghey'n aght dy leoadaghey costysyn liorish £1.5 millioon eddyr Jerrey Fouyir as jerrey ny bleeaney argidoil.

Bushaid vleinoil son Thie-lheihys Noble son y vlein 2005/6, v'ee £47.5 millioon son skimmeec as shirveishyn. Cha ghow yn sym shoh stiagh faill ard-skimmee-lhee: ta bushaid jeh £11.2 millioon ec Rheyne Slaynt as Shickyrys y They dauesyn. Jerrey Fouyir 2005, va'n thie-lheihys er cheau £1.5 ny shlee na'n vushaid eck choud as shen.

Ard-oyryn son shen, va'd gra dy row ad cooid (£1.2 million), shirveishyn (£146k), troailt as listal skimnee (£150k) as saillyn (£534k). Va'n ceau rouyr shoh jeant beggan sloo liorish cheet-stiagh smoo jeh £500k. Ec jerrey yn chield vee 2006, va faaishnys jeant dy beagh y ceau rouyr corrym rish £2.1 million ec jerrey ny bleeaney argidoil. Cha ghow shoh stiagh argid erbee va'n thie-lheihys er gheddyn, foddee, kyndagh rish vote-coonee Tinvaal jeh £6.5 million dy leodaghey'n vaarney jeh'n Rheynn jeh £8 million. Toshiaght Arree 2006 hooar y thie-lheihys £2.3 milloen myr aynr jeh'n eeck un-cheayrt hooar Rheynn Slaynt as Shickyrys y Theay myr eiyrtys jeh'n vote-coonee shoh. Hooar Rheynn Slaynt as Shickyrys y Theay £1.8 million tooilley son ard-skimnee-lhee. Y chield laa jeig as feed Mee Vayrnt 2006 haink y vlein argidoil gys jerrey as y thie-lheihys cheusthie jeh'n vushaid chaghlaait, lesh roudaght jeh £1 million. Myrgeeddin, haink Rheynn Slaynt as Shickyrys y Theay gys jerrey ny bleeaney as ee cheusthie jeh'n vushaid chaghlaait, son skimnee-lhee, lesh roudaght jeh £235,000.

Va baarney argidoil y thie-lheihys er ve bishaghey veih toshiaght ny bleeaney argidoil gyn plannyn ry akin ry hoi couyral. Harrish ooilley, cha row monney shellooderys as freggyrtys ayn cour reirey argidys y thie-lheihys. S'lhag va'n fysseree va currit da skimnee mychione y stayd argidoil, as cha dug skimnee monney twoaie da cooishyn argidoil. Er y fa shen, v'eh doillee da'n Oaseirys Kiarail-slaynt meihaghey row cooid argidoil goll er ymmydey er yn aght share as livrey leagh son yn argid va goll er ceau ec y traa v'ayn. Hoig yn Oaseirys Kiarail-slaynt dy row enn er ve currit er shoh myr cooish ayns feme jeh arrey, as dy row scruteyryn-coontys mooie er nyn bointeil dy ghoaill scrutaght argidoil ayns laue. Ta feme ec y thie-lheihys er lhiasaghey as cur bree da crauelagh cour reirey argidys, as dy hroggal twoaie, lhiasaghey schleiy as fys dy reirey as smaghtey bushaidyn.

Ta coardail daa-heuagh eddyr Reiltys Vannin as Rheynn Slaynt Hostyn cour livrey kiarail-slaynt da cummaltee Vannin sy Reeriaght Unnaneyisit, as da cummaltee yn Reeriaght Unnaneyisit ta cur shilley er Mannin. Ta shoh aynr jeh barrantys y Rheynn Slaynt da cheeraghyn crogheydaghy y Chrooin as reiltys-hene oc. Y coardail t'ayn nish, as bree currit da veih'n chield laa Mee Averil 2004, t'eh soit ec £3 million as t'eh kiarail eeck-corrymal soit er yn argid ceaut er cur lheihys da surransee veih'n reillys elley. Ta'n eeck-corrymal goll er eeck ec y reillys lesh y chostys syrjey.

Yn eeck veih Rheynn Slaynt Hostyn, t'eh goll er reirey liorish Skimnee-oardee Shirveishyn Er-lheh SSA Cheshire as Meerseyside. Jerrey Fouyir 2005, daaishnee ad dy beagh ceau rouyr ayn bentyn rish argid ceaut sy Reeriaght Unnaneyisit er kiarail-slaynt son cummaltee Vannin ayns shen. 31 Mee Vayrnt 2006, t'eh faaishnit dy bee yn slane costys jeh kiarail-slaynt sy Reeriaght Unnaneyisit son cummaltee Vannin ny shlee na £5.1 million. Tra ta'n costys oolit jeh lheihys son cummaltee yn Reeriaght Unnaneyisit ayns Mannin (£3 million) goit veih shen, bee er Mannin d'eeck ny shlee na £2.1 million. Paart jeh'n argid ceaut sy Reeriaght Unnaneyisit, t'eh cour kuse dy hurransee veih Mannin ta geddyn lheihys as kiarail bentyn rish slaynt inchynagh. Dy cosoylagh, s'beg y costys shoh as eh ny sloo na 1%, er yn oyr nagh vel y coardail maylartagh dellal rish costys bentyn rish slaynt inchynagh. Ta'n costys shoh goll er eeck er aght elley. Y chooid smoo jeh ny surransee veih Mannin, t'ad goll er arraghey gys y Reeriaght Unnaneyisit ry hoi lheihys gear myr surransee-sthie, shirveishyn faaishnys-enn, as quaaltyssyn-lhee eiyrtysaghy myr surransee-mooie.

Veih'n fysseree mychione jannooy as skimnee va currit da'n Oaseirys, v'eh jeeaghyn dy nee 171 va'n earroo meanagh dy lhiabbaghyn as ymmyd jeant jeu er un laa ennagh. Ta shen dy ghra, va'n ymmyd meanagh jeh lhiabbaghyn 63%. Mestey-schlei as earrooy dy voandyryn ayns ny wardyn, v'ad reaghit reir levallyn jeh 85%

ny 100% myr ymyd jeh lhiabbaghyn, goll er caghlaa eddyr wardyn. Verragh shoh faaue dy row rouyr boandyryn ayns wardyn ennagh.

Ta feme ec y thie-lheihys dy hickyraghey dy vel y commeys eddyr yn earroo dy lhiabbaghyn ta ry gheddyn, ymyd firrinagh ny lhiabbaghyn, as levallyn ymyrchagh ny schleiyn-boandyrys, dy vel eh shickyraghey dy vel forse-obbee ayn ta breeoil bentyn rish costyssyn as ny schleiyn cooie oc. Y vlein v'ayn, va ny shlee na £2 millioon ceaut son boandyryn-bank as son boandyryn veih jantyssyn. Rheynt Slaynt as Shickyrys y Theay as skimnee reiragh sheckteragh y thie-lheihys, ta feme oc er shickyraghey dy vel argid theayagh goll er ceau er ny aghtyn share. Ta feme ayn d'aascrutaghey bushaidyn-skimnee as levallyn-skimnee ayns gagh ward. Ta reillyn ayn bentyn rish shirrey tooilley skimnee shallidagh as ta feme ayn dy lhiantyn roo dy gear.

Va'n thie-lheihys er chiaddey'n aght dy lhasaghey un recortys lectraneagh ny lomarcen cour recortysyn slaynt as kiarail y theay. Derrey vees bree currit da shoh, ta feme ayn dy chur geill da shickyraghey dy vel ooilley'n fysseree bentyn rish surransee, dy vel eh ayns coadan meanagh, as dy vel quallid as slanid ny recortysyn-slaynt jeant shickyry.

Focus surransee

Va coaryssyn ayn dy ghoail baght coorsagh jeh surransee as lught-kiarail, as dy yannoo shickyry dy vel ad freayll nyn ooashlid as dy vel arrym goll er cur daue. Y 'chalee cour caghlaa kiarail' va currit er bun sy tourey jeh'n vlein 2004, v'ee kianlt lesh stundayrtyr-boandyrys sy Reeriaght Unnaneyst. As hug ee arrey er lneh da ny cooishyn bunneydaght jeh kiarail, goaill stiagh preevaadjys as ooashlid, beaghey, eddyr-insh, reirey buill-hraastee, sharaghey eddyr-insh lesh surransee as lughtyn-thie, as freayll recortysyn. Er y gherrid, haink pobble veih'n theay dy ve nyn olteynyn. Ventyryn as bree currit daue, ghow ad stiagh traaghyn-lhongeay coadit da surransee, aachiaddey goonyn-surransee, as cur magh lioran da skimnee mychione anchaslyssyn cultooroil.

Va polasee as aghtyn ec y thie-lheihys cour coardail rish lheihys, hie er jeianaghey lurg scrutaght jeh'n pholasee, aghtyn as docamadyn va bentyn roo. Va aghtyn-aavioghee soit er linnaghyn-stiuree-aavioghee Oarpagh. Dinsh y thie-lheihys da'n Oaseirys dy row traenal-aavioghee anneydaght da'n skimnee ooilliu. Neayr's Mee Averil 2004, va 1,170 olteynyn jeh'n skimnee er gheddyn traenal ayns pohlldal-bea undinagh, pohlldal-bea peediatragh, ard-phohlldal-bea, ny ard-phohlldal-bea cour ruggyr-oaylleaght. Va un oltey jeig jeh'n skimnee er chosney'n staydys jeh ynseyder jeh ard-phohlldal bea. Agh hooar yn Oaseirys Kiarail-slaynt feanish nagh row ooilley'n skimnee harrish stiureydahtyn er ghol son traenal ny jeianaghey va cooie.

Va paart dy h-aghtyn ayn dy hickyraghey'n folliaghtaght jeh fysseree mychione surransee, ghow stiagh y shickyrys, folliaghtaght as arraghey jeh recortysyn-slaynt, polasee jeh coadey-fysseree, as polasee mychione co-cheaghley fysseree folliaghtagh. Kyndagh rish taghyrt trome-chooishagh, va'n thie-lheihys er scrutaghey e pholaseeyn as aghtyn bentyn rish fysseree as er chur er bun traenal er lneh da skimnee dy chur twoaie da'n scansh jeh shickyraghey'n folliaghtaght jeh fysseree mychione surransee. Choud as shoh, va 556 olteynyn jeh'n skimnee er ghol son y traenal shoh.

Va rheynt ec y thie-lheihys va currit da plaiyntyn as aggyrtyr. Lhiann y thie-lheihys da'n aght-plaiynt va currit er bun fud Rheynt Slaynt as Shickyrys y Theay. Va

fysseree feiy'n thie-lheihys dy chur fys da surransee as da lught-kiarail mychione yn aght dy hroggal boiraghyn ny dy phlaiynt. Myrgheddin, va fysseree ayn cour cur faaueyn roish as cur booise.

Eddy Mean Fouyir 2002 as Jerrey Fouyir 2005 va 535 plaiyntyn mychione shirveishyn-slaynt jeant da Rheynn Slaynt as Shickyrys y Theay. Stiureydahtyn lesh earroo mooar dy phlaiyntyn, ghow ad stiagh ortopeedaght/trauma (109), laue-lheeyss (100), lheeysaght/shenndiaght (91) as obbraidyn (84). Ard-oyryn ny plaiyntyn, v'ad bentyn rish lheihys clinicoil ooilley cooidjagh as yn ymmyrkey jeh skimmee cheusthie jeh'n thie-lheihys. Cheayll yn Oaseirys Kiarail-slaynt barelyn mestit veih surransee mychione nyn giarail as ymmyrkey'n skimmee cheusthie jeh'n thie-lheihys. Ram keeall chionnit ec ny surransee, v'ee feer jarrooagh as ad gra dy row nyn giarail erbaghtal, lesh arrey bieau, skimmee caarjoil as troaryn jarrooagh. Dooyrt surransee elley dy row kuse dy skimmee, voish shirveishyn anchasley, dy row ad feayrchooishagh as myr by chummey lhieu. Va ny imraaghyn shoh bentyn rish mynlagh beg dy skimmee nyn lomarcán, agh va'n olk currit er ny surransee v'ad dellal rish.

Y crearey jeh barelyn surransee ayns Thie-lheihys Noble sy vlein 2004, hoilshee eh dy dug ad ymmodee sorchyn dy varelyn bentyn rish y vee hooar ad sy thie-lheihys. Ooilley cooidagh, mysh 55% jeh ny surransee, dooyrt ad dy row ad jeant booiagh, ny jeant feer wooiagh. ec y reih dy vee va ry gheddyn, yn aght va'n bee currit as tempreilys y vee. Dod surransee geddyn bee as joughyn 24 oor sy laa my v'ad gearree. Va'n thie-lheihys er chur bree da coarys 'arrey jiarg boayrd-laue' ren soilshaghey dy row surransee ayns feme jeh cooney lesh bee, foddee. Greienyn er lneh cour ee as iu, v'ad er nyn gionnaghey son gagh ward as rheynn myr ayn jeh shalee y phossan jantys beeaghey. Va shoh ny eiyrtys feer jarrooagh jeh obbyr y phossan as ad pohlldal surransee lesh nyn vemeyn bee-oardagh. Er y gherrid, chossyn y possan aundyr 'ard-wirran' Rheynn Slaynt as Shickyrys y Theay kyndagh rish yn obbyr oc as ad sharaghey kiarail son surransee.

Sy chrearey jeh surransee va jeant ec Thie-Lheihys Noble ayns 2004, va surransee coontey mie jeh'n fysseree-oltee as fys mychione c'raad dy gholl tra haink gys y thie-lheihys. Son y chooid smoo, va surransee jeant booiagh ec fysseree screet mychione kiarail-slaynt, lheiltys, lheihys as stoo-lheihys. Agh va boiraghyn ennagh ayn mychione leodaghey preays, kiaddey beeoardaghyn, as fysseree bentyn rish cheet reesht gys y thie-lheihys dy darragh imnea er surransee mychione nyn lheihys lurg daue faagail y thie-lheihys. Va'n thie-lheihys er lhiasaghey saase co-chorpagh son ooilley'n fysseree va currit magh dy haraghey'n livrey-ys as stundayrt jeh fysseree bentyn rish slaynt as drogh-laynt. Ynnyd cour fysseree mychione kahngyr, y lheihys jeh kahngyr as co-hirveishyn da surransee, v'ee er ny fosley faggys da ard-entrellys y thie-lheihys. Va'n thie-lheihys er vosley kianglaghyn-chellvane lesh shirveish eddyr-hengaghey as chyndaa-chengey sy Reeriaght Unnanaysit dy beagh feme er lheid ny shirveishyn shen. Lioar-raa yl-chengagh gear-cheim y Chrosh Yiarg Ghoaldagh, lioar cour pohlldal surransee nagh vel Baarle oc myr nyn gied chengey, t'eh ry gheddyn feiy'n thie-lheihys.

Va Thie-lheihys Noble er chur bree da strateysh cour arryltee as er phointeil ny shlee na 100 arryltagh va pohlldal kuse dy hirveishyn feiy'n thie-lheihys. Sampleyryn jeh'n chooney va arryltee livrey, t'ad y chirveish-oltee ec ard-ynnyd-oltee yn thie-lheihys, y chirveish-oltee ayns rheynnyn surransee-mooie, as ayns sy lheelann 'tannee slayntoil', ta goll er stiurey cheusthie jeh'n thie-lheihys liorish moggyl y ghiastylls-kahngyr. Ta boodeys eddyr Cooncil Ellynyn Ellan Vannin as Rheynn Slaynt as Shickyrys y Theay, t'er lhiasaghey claare-ellyn Noble sy thie-lheihys. Ta'n claare shoh goaill

stiagh kiaull, bardaght, cloieyn as jallooyn eigsoylagh ta goll er taishbyney feiy'n thie-lheihys as ayns faaieghyn y thie-lheihys.

Kiarail roshtynagh as freggyragh

Ayns 2004/5, va 17,119 shayllyn shirveish thie-lheihys gear (y traa fo choyrleyder-lhee veih cheet stiagh gys goll magh). Va shoh er vishaghey blein lurg blein veih 14,656 ayns 2001/2002. Va'n chooid smoo jeh ny shayllyn cour cummaltee yn Ellan, as va beggan ny shlee na 3% cour sleih va cur shilley er Mannin. She laue-lheey cadjin as lheihys cadjin va ny sur-cheirdyn smoo. Ooilley cooidjagh, she 65%, bunnys, va'n raayt son surransee goit stiagh, lheihys jeant son oc as currit dy valley er y laa cheddin.

Fysseree veih recortys fysseree-jantys ny shirveishyn thie-lheihys Jerrey Fouyir 2005, hoilshee eh dy row bunnys 63,000 surransagh-mooie fakinit as dy jagh 27,500 dy leih gys Rheynd Drogh-haghyrt as Gear-cheim ayns 2004/2005. Harrish ny kiare bleaney argidoil jerrinagh, yn earroo dy leih cheet stiagh myr surransee-sthie, v'eh er ghol seose liorish 14%, cooishyn-laa liorish 18%, as sleih cheet stiagh myr surransee-mooie liorish 9%. Yn earroo jeusyn goll gys Rheynd Drogh-haghyrt as Gear-cheim, hie eh sheese liorish 6%.

Chammah as y jantys gear livreyit liorish Thie-lheihys Noble, hie mysh 9,000 dy leih gys yn unnid myn-lhottyn ec Thie-lheihys Cheerey Ardjyn Rhumsaa. Hie 5,000 gys y thie-lheihys ayns Rhumsaa myr surransee-mooie as hie mysh 800 stiagh ayns shen. Son y vlein as y jerrey eck y chieid laa jeig as feed Mee ny Nollack 2004, hie ny shlee na 6,000 surransagh er arraghey veih'n Ellan as, ny sodjey na shen, va 4,000 turrys jeant ec lught-kiarail ny sleih-mooinjerey va troailt marish surransee.

Y chooid smoo jeusyn hie er arraghey, va'd goll son ortopeedaght, lheihys cadjin, kiarail choroanagh, kiarail-phaitchey, aasoaylleaght as neayroaylleaght. Ny ard-cheirdyn cour kiarail son surransee-sthie, v'ad shirveishyn cardiagh gear-cheim as radio-lheihys.

Yn earroo dy lhiabbaghyn ymmydit gagh laa, hoilshee coarys-reirey ny surransee dy row 171 yn earroo meanagh dy lhiabbaghyn ymmydit gagh laa harrish y vlein. Va 272 lhiabbee ry gheddyn da surransee-sthie (reir fysseree mychione stiureydahtyn sy thie-lheihys), cur raayt-ymmydee jeh 63%. Yn earroo smoo dy lhiabbaghyn as ymmyd jeant jeu ayns un laa ennagh sy vlein, va shen 206 ayns Mean Souree 2004. Agh, reir tuarastyl fysseree jantys-thie-lheihys ayns Jerrey Fouyir 2005, va 250 lhiabbaghyn ry gheddyn. Soit er yn earroo dy lhiabbaghyn va ry gheddyn ec y traa v'ayn as yn earroo oolit dy lhiabbaghyn as ymmyd jeu ayns 2004/5, she 68% va raayt-ymmydee meanagh y thie-lheihys.

Tooilley oltsarrey jeh ymmyd-lhiabbagh harrish lheihys, laue-lheey, peediatreyrys, as unnid kiarail-vabban er lneh, hoilshee eh dy nee 74% va'n raayt-ymmydee meanagh son lheihys ayns 2004/2005, 61% son laue-lheey goaill stiagh ben-oayllys, as 36% son shirveishyn elley.

Scrutaghey ymmyd-lhiabbagh harrish meeghyn anchsasley, cha row monney caghlaa ry akin. She ayns lheihys va'n caghlaa smoo as ny levallyn goll er caghlaa eddyr 67% as 79%.

Ooilley cooidjagh, she 6.1% va'n raayt jeh surransee cheet reesht gys y thie-lheihys cheusthie jeh 30 laa lurg daue faagail eh eddyr Mee Averil 2001 as Mee Vayrnt 2005. Ayns Sostyn, she 3.6% va'n earroo shen. Keirdyn er lheh lesh raaytyn ny syrjey na adsyn ayns Sostyn, ghow ad stiagh ooroaylleaght, trauma as ortopeedaaght, lheihys cadjin, peediatreyrys as lheihys cour yn chenndiaght. Daa cheird er lheh, va raaytyn oc va ny sinshley na'n mean – laue-lheey's peediatragh as laue-lheey's-beill. Ayns ny kiare bleeaney, haink 255 surransee gys y thie-lheihys reesht y laa cheddin as daag ad eh.

Lught-tannee cooish-laa, shen surransee va'n thie-lheihys kiarail lhiggey stiagh, cur lheihys daue as lhiggey daue faagail y laa cheddin, agh eisht t'ad eginit tannaghtyn sy thie-lheihys fud ny h-oie. Foddee shoh taghyrt kyndagh rish kuse dy h-oyryn, agh cha nel eh foaysagh da'n turransagh, s'cumme y yn oyr. Foddee dy bee ny oyryn shagh-ghorley ny meehaghyrt ta cheet rish as surransagh geddyn kiarail, er nonney meihaghey gloyr-viandagh jeh ny reddyn oddys ve goit ayns laue ayns kiarail-laa, er nonney meihaghey ny aaveihaghey neufondagh ny neuchruinn jeh stayd y turransagh, ny jeh stayd sheshoil y turransagh, er nonney drogh recortyssey ny recortyssey neuchruinn jeh fysseree.

Lught-tannee cooish-laa son Thie-lheihys Noble eddyr Mee Averil 2001 as Mee Vayrnt 2005, va shen 8.8% jeh oilley ny cooishyn-laa va kiarit, cosoylit rish 5.4% ayns Sostyn. Va shen corrym rish 615 ny shlee dy hurransee na va jerkit. Y chooid smoo jeh ny keirdyn er lheh, va'n raayt lught-tannee cooish-laa oc ny syrjey na'n mean, goaill stiagh laue-lheey's cadjin, trauma as ortopeedaaght as ben-oayllys. Dinsh skimmee sheckteragh y thie-lheihys da'n Oaseirys Kiarail-slaynt dy row fys oc er shoh, as v'ad er ghoail ayns laue scrutaght-lhee dy reaghey jantys erbee oddagh sharaghey reddyn da surransee. Hooar y scrutaghey paart dy h-oyryn dy row lught-tannee cooish-laa ayn, agh erskyn oilley v'eh grait dy row ny ard-oyryn yn ymmyd reiltagh jeh druggaghyn-cadlee dy leodaghey pian lurg obbraidyn, as y skedjalley neuchooie jeh aghtyn-laa bunnys ec y jerrey jeh listyn-obbraid. Ta bree er ve currit da jantysyn as ta aa-scrutaght er ny kiaddey.

Shoh ny cowraghyn cour towse cooilleeney cosoylit rish y dean son traaghyn-farkee:

- surransee currit gys fir-lhee er lheh, 95% jeu fakinit cheusthie jeh 13 shiaghtin liorish Mee Vayrnt 2006
- 95% jeh aghtyn livreyit cheusthie jeh 13 shiaghtin liorish Mee Vayrnt 2006
- gagh surransagh ayns Rheynn Drogh-haghyrt as Gear-cheim fakinit cheusthie jeh kiare oor liorish Mee ny Nollick 2005

Shimmey surransagh va fuirraghtyn rish kiarail as lheihys cour surransee-mooie as surransee-sthie. Va ymmodee jeu er vuirraghtyn rish ram meeghyn. Jerrey Fouyir 2005, y list-farkee cour surransee-sthie, hoilshee eh dy row 1,350 surransee fuirraghtyn rish quaaltysyn-lhee cour surransee-sthie ny cour cooishyn-laa.

Duirree 42 dy leih ny sodjey na 12 vee, as duirree 71 dy leih elley eddyr nuy as 11 vee. Oilley cooidjagh, duirree 200 surransagh ny sodjey na shey mee, ta corrym rish 14.8%. Ayns Sostyn ec y traa v'ayn, she 4.3% va'n keeadane va fuirraghtyn ny sodjey na shey mee. Keirdyn er lheh as keeadaneyn mooarey dy hurransee oc va fuirraghtyn rish ny sodjey na shey mee, v'ad sooill-oaylleaght as ortopeedaaght.

Jerrey Fouyir 2005, y list-farkee cour surransee-mooie, hoilshee eh dy row 4,592 dy leih fuirraghtyn rish nyn gied whaaltys-lhee cour surransee-mooie.

Duirree 232 hurransagh ny sodjey na 12 vee, as duirree 175 dy leih eddyr nuy as 11 vee. Oilley cooidjagh, duirree 771 dy hurransee ny sodjey na shey mee son quaaltys-lhee cour surransagh-mooie. Ayns Sostyn, ta ny listyn-farkee cour surransee-mooie goll er scrutaghey ayns shiaghteeyn. S'mooar va'n keeadane dy hurransee-mooie va

fuirraghtyn rish nyn gied whaaltys-lhee son sooill-oaylleeaght as ortopeedaght as ad fuirraghtyn rish ny sodjey na shey mee.

Va ventyrin ec shirveish ghear y thie-lheihys ry hoi ledoaghey listyn-farkee. Da surransee-mooie, v'ad shoh ayns ortopeedaght, y rheyinn chleaysh, stroin as scoarnagh, as ayns crackan-oaylleeaght. Da surransee-sthie, va ventyrin ry hoi leoadaghey listyn-farkee ayns ortopeedaght (oltyn) as ayns laue-lhees plastagh. Ghow ny ventyrin stiagh bishaghey'n earroo dy skimmee-lheihys as tooilley seshoonyn ayns obbraidlannyn.

Dinsh olteynyn jeh'n theay as skimmee-thie-lheihys da'n Oaseirys Kiarail-slaynt dy row ad boirit dy mooar ec traaghyn-farkee son shirveishyn cour laue-lhees reihagh. Ooilley cooidjagh, va genney reireydys ayn jeh listyn-farkee. Ta feme er un choarys baghtal ta towse listyn-farkee oddys recortyssey fysseree cruinn ayns 'traa firrinagh'. Dod y thie-lheihys soilshaghey cre cho foddey as va peiagh ennagh er ve er list-farkee, agh cha dod eh soilshaghey er egin cre cho liauyr as va'n list-farkee son jantys ennagh. Fysseree mychione listyn-farkee, lhisagh eh ve ry gheddyn er agh foshlit son surransee as son ocyn ta bentyn rish cur surransee gys fir-lhee er lneh. Hug y feanish faae nagh row cooid ny obbraidlannyn goll er ymmydey dy breeoil, goaill stiagh yn ablid dy reaghey tooilley seshoonyn lesh y skimmee-obbraidlann v'ayn as yn earroo as sorch dy chooishyn va listit son seshoon.

Jerrey Fouyir 2005, ny earrooyndy leih nagh daink gys quaaltyssyn-lhee son surransee-mooie, hoilshee ad dy nee 8.5% va'n keeadane jeusyn nagh daink gys quaaltyssyn noa, as dy nee 8.8% va'n keeadane jeusyn nagh daink gys quaaltyssyn ooilley cooidjagh. Agh va kuse dy cheirdyn er lneh va cliaghtey dellal rish earrooyndy mooarey dy hurransee dy cosoylagh raad va'n keeadane dy leih nagh daink gys quaaltyssyn ny shlee na mean y thie-lheihys shoh. Ghow ny keirdyn er lneh shoh stiagh laue-lhees cadjin, cooishyn cleaysh, stroin as scoarnagh, trauma, peediatreyrys as ben-oayllys. Ayns Sostyn ec y traa v'ayn she 9.1% va'n raayt jeusyn nagh daink gys y chie whaaltys-lhee, as she 11.3% va'n raaytyn son ocyn nagh daink gys quaaltyssyn lurg shen.

Va polasee as saase ec Thie-lheihys Noble cour lhiggey da surransee goll ec jerrey nyn lheihys as kiarail. Cha row yn polasee as saase kinjagh cooilleenit dy bollagh, ren croo drogh reaghyssyn cour lhiggey goll as drogh eddyr-insh, erskyn ooilley son ard-chiarail. Va boandyryn cour 'livrey kiarail harrish' er nyn bointeil myr ayn jeh ro-chlaare dy haraghey plannal lhiggey da surransee goll. Agh s'beg y foays v'er ny chosney ec y ro-chlaare shoh as, lesh y choardail jeh co-obbreyn ayns ard-chiarail, va'n ventyr shoh er ny scuirr. Ta feme ayn dy niartaghey'n boodeeys lesh ard-chiarail as kiarail y theay dy chooney lesh reaghyssyn fondagh harrish gagh stiureydaught cour lhiggey da surransee goll.

Ta ny barelyn jeh surransee as lught-kiarail ry gheddyn ec leval strateyshagh liorish olteynys jeh Bing-choyrlee Shirveishyn Slaynt. Shoh bing slattyssagh ta chaglym gagh daa vee as cur tuarastylyn da Coonceil ny Shirveishee. Va fys er ve currit da'n Oaseirys mychione boiraghyn bentyn rish leayrid, currym, freggyrtyssyn as niart y ving shoh. Ta feme ayn dy chur enn baghtal orroo shoh as er cagleeyn-currym y ving shoh. As ta feme ayn neesht dy skeaylley magh fys er aghtyn dy chur skeealyn da'n ving as er aghtyn dy gheddyn skeealyn voee.

Va kuse dy ventyrin sy thie-lheihys, liorish bingaghyn as possanyn-pohlldal eigsoylagh, dy hickyraghey dy row ny barelyn jeh surransee as lught-kiarail goll er shirrey as dy beagh geill currit daue tra hie shirveishyn er scrutaghey as er lhasaghey. Ghow ny ventyrin stiagh goaill ayn ayns shirveishyn-kahngyr, scrutaghey-lhee, shirveishyn-moirys, as ayns possanyn va scrutaghey cooishyn bentyn rish ooashlid as

preevaadjys, eddyr-insh as beeaghey. Trealtyssyn dy lhiasaghey forym da surransee as da'n theay, v'ad er nyn gur roish, agh va genney leeideilys strateyshagh ry hoi surransee as y theay as ad goaill ayns ayns cooishyn.

Chymmyltaght-chiarail as seyraaidyn

Va seyraaidyn erbaghtal ec Thie-lheihys Noble, as va surransee, olteynyn jeh'n theay as y skimmee soiaghey mooar jeu. Va culleeyn feer vie ec ny unnidyn-lhee as va cooid goll er livrey daue dy fondagh. Va'n thie-lheihys soit magh dy mie cour obbyr, er lhimmey jeh'n unnid noa-ruggyr, va beg as jingit, lesh entreilys neuchooie trooid yn unnid-voiryry ny'n ward peeadiatragh. Va'n thie-lheihys kiarail scrutaghey cooishyn slaynt as sauchys. Dinsh olteynyn ennagh jeh'n theay da'n Oaseirys nagh row spoar-pairkagh dy liooar ayn, agh, ooilley cooidjagh, v'ad jeant booiagh ec y thie-lheihys as e heyraaidyn. Hannah, va scrutaght jeh pairkagh-gleashtan ec y thie-lheihys er ny goaill ayns laue kyndagh rish boiraghyn hie er troggal. Hoilshee shen nagh row feme ayn dy vishaghey'n earroo dy spoaryn-pairkagh, agh dy voddagh ny spoaryn-pairkagh goll er ymmydey er agh smoo breeoil. Myr shen, va coarys cour reirey pairkagh er ny chur er bun as hie tendeilee-phairkagh er pointeil.

Va wardyn as seyraaidyn un-cheintysshagh ec y thie-lheihys, ren cur er e hoshiaght preevaadjys as folliaghtaght da surransee. Hie wardyn er kiaddey lesh co-hamyryn scarrit as paart dy hamyryn lhiattagh ec gagh ward.

Creearey Thie-lheihys Noble jeh surransee ayns 2004, hoilshee eh dy row surransee jeant feer wooiagh kyndagh rish:

- shayll surransee ayns wardyn
- ny wardyn hene
- preevaadjys as ooashlid ny surransee

Cha row surransee jeant cho booiagh ec seyraaidyn chellveeish/chellvane.

Myrgeeddin, hooar y creearey magh dy row mysh 70% jeh ny surransee jeant feer wooiagh ec glennid ny ardjyn-lhiabbagh, premmeyn as shamyryn-oonlee.

Kyndagh rish baghtyn, choard yn Oaseirys Kiarail-slaynt dy row ny ardjyn-lhee glen, dy row seyraaidyn-tashtee mie ayn, as dy row ardjyn-tashtee cumir dy liooar as ayns oardagh. Agh va reaghysyn anchasley ry hoi glenney ayns ayns anchasley jeh'n thie-lheihys, va grait dy ve neufondagh ec skimmee. Smooinnee ad dy row feme er un choarys-glennnee ny lomarcen.

Dinsh plan-jantys cour thieyn-lheihys dy row enn currit er y thie-lheihys myr cooilleeney cliaghtey share rere kaart y vatroon ec Rheynt Slaynt Hostyn. Y skeym jeh boandyryn-kianglee dy smaghtaghey doghan as skedjallyn-glennnee, v'ad er nyn n'oail stiagh sy chaart.

Slaynt theayagh

Ta kuse dy ventyryn slaynt theayagh er nyn lhiasaghey dy haraghey slaynt phobble yn Ellan, as ta plan Reiltys Vannin er chur enn er sharaghey slaynt myr ard-red cour jantys. Agh cha nel ymmyd er ny yannoo jeh fysseree veih tuarastyl slaynt theayagh

bleinoil yn Ellan dy chooney lesh as dy lhiasaghey polaseeyn as cliaghtaghyn y thie-lheihys. T'eh jeeaghyn nagh vel rheyynn slaynt theayagh ry akin monney, as cha nel ee coontit dy ve undinagh cour plannal kiarail-slaynt as kiarail y theay. Cha row plannal shirveishyn Thie-lheihys Noble er ve soit er meihaghey femeyn-slaynt. Myrgeeddin, va paart dy hassoo noi goaill rish cliaghtey soit er feanish, er yn oyr dy row eh smooinit dy row femeyn anchasley ec yn Ellan cosoylit roosyn ec y Reeriaght Unnaneynsit. Ta feme ayn dy lhiasaghey shirveishyn as geill goll er cur da'n ynricanys jeh co-phobble ellanagh, agh lhisagh briwnyssyn mychione y plannal, lhiasaghey as yn-yymyrkey jeh shirveishyn ynnydagh, lhisagh ad ve soit er meihaghey femeyn-slaynt, as er feanish ta ry gheddyn, as er stiurey veih troaryn-lhee. Ta feme ayn dy vel fysseree mychione slaynt theayagh, erskyn ooilley mychione staydyn foddey-charrymagh, dy vel eh ry gheddyn dy chooney lesh plannal as lhiasaghey shirveishyn. Va pobble yn Ellan jerkal rish shirveish-slaynt erbaghtal. Erskyn ooilley, va ny politickeyryn jerkal rish y lheid, politickeyryn ta pohlldal baihaghey argid ayns kiarail-slaynt myr ard-tosheeaght. Ta cleayney mooar er ve ec ny politickeyryn ynnydagh er lhiasaghey kiarail-slaynt, syn ynnyd jeh pohlldal lhiasaghey shirveish ta soit er meihaghey femeyn-slaynt, lhiasaghey strateysh cour slaynt, as plan-obbee ooilley-ghoaillagh as baghtal ry hoi livrey shirveishyn. Ta feme er commeeysyn-obbee stroshey eddyr sheckteryn-slaynt as olteynyn jeh'n Chiare as Feed dy lhiasaghey livrey-ys ny shirveishyn er aght ta soit er feanish syn ynnyd jeh'n aght aawoaltagh ec y tra a t'ayn. Shegin jeeaghyn er y livrey-ys jeh shirveish-slaynt erbaghtal sy chrauelagh jeh ny schleiyen as keeall chionnit jeh ny obbreeyn ta ry gheddyn. Liorish shen, nee politickeyryn as y theay toiggal as goaill rish ny reddyn nagh vod thie-lheihys jannoo as nagh lhisagh eh jannoo, s'cummeey mieys ny culleeyn t'echey.

Cha row monney fysseree barrantoil as co-hassooagh ayn mychione slaynt theayagh oddagh ymyd ve jeant jeh dy pohlldal yn oltsarrey jeh femeyn-slaynt. Myr sampleyr, cha row staddysaght choardit ayn mychione levallyn dy voghtyns harrish yn Ellan, as cha row staddysaght ayn mychione yn earroo dy phaitchyn hie er jeenaghey. Ta feme er feddyn magh ny ta goll er shirrey bentyn rish fysseree mychione y phlannal as livrey-ys jeh slaynt as kiarail y theay ec gagh leval. As ta feme er plan-obbee dy reaghey ny coaryssyn-fysseree cooie dy livrey shoh. S'beg y feanish hooar yn Oaseirys Kiarail-slaynt jeh commeeysyn-obbee formoil eddyr-ard-chiarail as kiarail ec y nah leval dy lhiasaghey claareyn cour cur slaynt er e hoshiaght as lhiettal gorlaghyn as drogh-laynt.

Va boirey mooar er ny hroggal kyndagh rish genney shirveish eamee/geamagh reesht son scannal-keeagh ayns yn Ellan. Va argid er ny enmyssey son y chirveish shoh veih'n chieid laa Mee Averil 2006, as ta feme er coardail plannyn dy chur bree da'n chirveish shoh dy chelleeragh.

Ayns yn Ellan, va'n raayt-baaish son kahngyr-minnagh ny shlee na'n raayt-baaish son kahngyr-keeagh. Lhisagh stiureydgagt-slaynt-theayagh smooinghtyn er cooishyn son as noi scannal son kahngyr-minnagh son pobble yn Ellan myr ayn jeh lhiasaghey claareyn cour scannal-slaynt.

Va fys ec yn Oaseirys Kiarail-slaynt dy jagh stiureydgagt-slaynt-theayagh er scrutaghey veih'n cheumooie er y gherrid bentyn rish e currymyn as shirveishyn. Ta feme er cur bree da troaryn y scrutaght-mooie shoh dy chur enn stroshey er y stiureydgagt cour cleayney livrey-ys shirveish.

Myr ayn jeh co-phobble ellanagh, cha vod Rheyynn Slaynt as Shickyrys y Theay geddyn pohlldal chelleeragh veih shirveishyn-slaynt coonee my vees taghyrt mooar

ayn. Va'n thie-lheihys er chur ry cheilley plan cour taghyrtyn mooarey, hug coontey jeh scenario taghyrt mooar as lioar-enmey dy churrymyn as jantyssyn ymyrchagh. Ghow reireyderyn-lhee cadjin ayn ayns prowal-boayrd jeh'n phlan taghyrt mooar Mee Houney 2004. Agh cha row yn plan-taghyrt er ny scrutaghey neayr's Mee Houney 2003. Scrutaght jeh'n pholasee bentyn rish cre cho aarloo as ta shirveishyn da gear-cheim, lhisagh shen ve goit ayns laue, goaill stiagh cummal cliaghtaghyn-obbree as cliaghtaghyn-scrutee dy coorsagh, co-obbraghey marish leeideilee-phlannal veih'n Reeriaght Unnaneydit.

Shirveishyn er lneh

Ta'n fo-rheynn shoh jeeaghyn er aghtyn-shickyree son shirveishyn er lneh, nyn vondid, breeoilid as yn-yummyrkey cour livrey-ys ynnydagh vees goll er. Hie shirveishyn er lneh er meenaghey liorish skimmee sheckteragh y thie-lheihys myr shirveishyn lesh earroo beg dy yannoyn, ny shirveishyn ta goll er leeideil liorish un choyrleyder-lhee. Myr shen, oddagh y gaue-lhee smoo ve oc. Shirveishyn myr shen, t'ad:

- laue-lheey's cuishlagh gear-cheim
- shirveishyn cleaysh, stroin as scoarnagh (CSS)
- kiarrail noa-ruggyr
- laue-lheey's peediatragh

Ny boiraghyn hie er troggal feiy'n tuarastyl shoh bentyn rish y phlannal as livrey-ys jeh shirveishyn gear slaynt, ta ny boiraghyn cheddin ayn bentyn rish ny shirveishyn hie er meenaghey myr shirveishyn er lneh. Haink y scrutaght gys y vriwnys nagh row ny shirveishyn shoh yn-yummyrkey fo ny reaghysyn reiragh as reaghysyn-lhee t'ayn nish. Ta feme er cur er bun saaseyn d'eddyn magh cre'n agh ta gaueyn-lhee goll er meihaghey as er reirey, ny cowraghyn-cooilleenee vees ymyd jeant jeu, as cre ny boodeeyssyn lhisagh goll er lhisaghey lesh shirveishyn cosoylagh ayns buill elley. Ta feme er briwnysyn mychione yn yn-obbraghey-lhee as y vreeoilid-chostys sy traa ry heet jeh livrey ooilley ny paart jeh ny shirveishyn shoh ayns Mannin, er nonney lhisagh ny shirveishyn shoh ve ry gheddyn dy h-ynnydagh ny dyn.

Cha row eh jeeaghyn dy row strateysh ny plan ayn cour shirveishyn cuishlagh gear-cheim. Row agh jeant ny dyn, chrogh shen er y warrant persoonagh jeh fir-lhee, syn ynnyd jeh reillyn coardit as stiurey. V'eh jeeaghyn nagh row cagleeyn-currym ayn, goaill stiagh meihaghey gaue-lhee dy chooney lesh jannoo briwnys son ooilley'n skimmee va goaill ayn ayns coyrt shirveishyn cuishlagh gear-cheim. Va boirey ayn neesht bentyn rish cummal seose cummeydys y skimmee, er y fa dy vel feer veggan dy hurransee ayns feme jeh'n cheint shoh dy laue-lheey's. Dy jinnagh y chirveish shoh goll er, ta feme er smooinghtyn er cur er bun kianglaghyn formoil lesh ynnyd-erbaghtallys raad oddys skimmee goll dy yeianaghey ny cummal seose schleiy, er nonney veagh skimmee lesh ny schleiy cooie ry gheddyn tra veagh feme orroo. V'eh jeeaghyn nagh row strateysh ny plan ayn cour shirveishyn cleaysh, stroin as scoarnagh syn Ellan. Ny shirveishyn va ry gheddyn, v'ad er nyn lhisaghey liorish, as v'ad croghey er, yn anaase as ardjeeanid jeh skimmee-lhee, syn ynnyd jeh strateysh-slaynt yn Ellan, ny meihaghey femeyn-slaynt y phobble. Cha row eh baghtal cre'n agh ta'n chirveish cur bree da stiurey-lhee ta soit er feanish, er yn oyr dy row aghtyn ennagh goit ayns laue as feanish dy liooar ayn nagh row ad ymyrchagh. Y list-farkee son shirveishyn cleaysh, stroin as scoarnagh, v'eh jeeaghyn dy ve liauyr, as cha row traa-farkee cooie er ny veenaghey. Briwnysyn va cleayney'n chiarail jeh

surrantee, v'eh jeeaghyn dy row ad jeant gyn co-choyrle, ny lhiasaghey aght coardit verragh ablid da skimnee veih keirdyn anchasley dy chooney lesh jannoo briwnyssyn.

Va kahngyrn-king as kahngyrn mwannalagh er nyn scrutaghey as v'eh jeeaghyn dy row ny shlee jeu ayn ny veagh jerkit. Ta feme ec y chirveish dy ve shickyrit dy vel kiangley eddyr y feddyn shoh as y strateysh-chahngyr as y moggyl-kahngyr. Ta feme ayn dy choardail strateysh as plan-obbee son y chirveish shoh, vees goaill staigh lhiasaghey-lhee harrish ard-chiarail as kiarail ec y nah leval.

Cha row eh jeeaghyn dy row polasee-obbee baghtal ec yn unnid noa-rugger verragh er bun y feme er lheihs jeean ny lhiabbaghyn ard-treishteil cheusthie jeh'n unnid. S'beg yn earroo dy vabbany va geddyn kiarail syn unnid noa-rugger, as, traa erbee dod shen ve jeant, hie babbany v'ayns gaue (m.s., triplaidyn as babbany lesh ymmyrkey fo 25 shiaghtin) er arraghey ersooyl veih'n Ellan. Va arraghey-etlee ayn cour gear-cheimyn, saase va currit er bun dy mie. Kyndagh rish yn earroo beg dy vabbany geddyn kiarail syn Ellan, oddagh skimnee coayl nyn schlei bentyn rish livrey shirveishyn gear thie-lheihs. Ga dy row polasee ayn da boandyryn dy gholl er aa-hraenal, cha dod ad kinjagh jannoo shen kyndagh rish startaghyn follym son boandyryn er lseh syn unnid. Cha row boandyryn er lseh dy liooar as startaghyn beayn oc dy phohldal yn unnid, as myr shoh v'ad croghey dy mooar er skimnee-locum. Ren shoh jannoo er kinjaght as spyryd y skimnee. Va fys ayn dy row genney dy voandyryn er lseh syn unnid noa-rugger as ta shen cur ourys er yn-obbraghey'n unnid. Va'n unnid beg lesh cummaltaght veanagh jeh 24%. Va stundayrt as feddynaght ny culleeyn erbaghtal, agh va'n unnid jingit as kiaddit dy neuchooie, oddagh cur yn olk er y chiarail jeh surrantee. Cha ren kiaddey'n unnid pohldal folliaghtaght ny surrantee, er y fa nagh dod yn unnid hene goll er roshtyn agh trooid y ward-moirys, raad va babbany slayntoil as moiraghyn, ny trooid y ward peediatragh. Oddagh shoh ve seagnagh as cur er y chiarail dy ve moal. Ta feme er scrutaghey yn ymmyd jeh spoar dy sheiltynagh as er raad elley dy roshtyn yn unnid noa-rugger. Lhisagh yn unnid co-obbraghey marish toyrtagh jeh shirveish chosoylagh sy Reeriaght Unnaneysit dy reaghey yn aght oddagh y chirveish shoh goll er coyrt sy traa ry heet.

Ta'n unnid noa-rugger ny ayn jeh possan-kiartag ry hoi cowraghey buntowshanagh son unnidyn noa-rugger sy heear-hwoaie as ta feme echey dy hickyraghey dy vel e pholaseeyn as aghtyn clinicoil goit ayns laue dy bollagh ny caghlaait dy cooie sy forym shoh. Ta feme er smooingaghtyn dy dowin mychione yn-obbraghey yn unnid noa-rugger sy traa ry heet.

Cha row eh jeeaghyn dy row polasee-obbee as plan baghtal ayn cour paitchyn. as cha row leedeilagh-lhee ayn va freggyragh son laue-lhees peediatragh. Stiurey bentyn rish shirveishyn cour paitchyn, t'eh ry gheddyn veih'n Cholleish Reeoil jeh Anloaghtaghey as veih Colleish Reeoil ny Laue-lheeghyn. Ren laue-lheeghyn briwnyssyn soit er y chummeydys smooinit oc as cha dooar ad coyrlle kinjagh veih ny peediatreyryn-coyrlle. Oddagh shoh cur yn olk er sauchys ny surrantee.

Myr ayn jeh strateysh-slaynt yn Ellan as jeh'n phlan-obbee cour coyrt shirveishyn-gear slaynt, shegin jannoo briwnys mychione cre ny aghtyn laue-lhee peediatragh oddys goll er jannoo dy sauchey ec Thie-lheihs Noble. Ta feme ayn dy vel y skimnee traenit as cummeydagh ad shoh y livrey. Aghtyn elley erbee, shegin ad y arraghey veih'n Ellan. Ta stiurey-lhee ry gheddyn dy hickyraghey dy vod aghtyn laue-lhee nagh vel earrooagh, dy vod ad goll er jannoo dy sauchey liorish laue-lheeghyn as anloaghteyderyn. Cha row eh jeeaghyn dy row yn thie-lheihs geiyrt er ny moyllaghyn shoh. Ta feme er cur er bun polaseeyn-obbee baghtal ta soit er

cliaghtey share, ta shickyraghey dy vel skimmee-lhee cooilleeney stundayrtyn sloo as femeyn, er nonney dy vel feayslaghyn elley goll er shirrey. Cha nel aghtyn ennagh goit ayns laue cho mennick as ayns buill elley, as ta feme er cliaghtaghyn share d'insh cre ny aghtyn laue-lheey's oddys goll er chebbal dy sauchey as dy cummeydagh.

Scrutaghtyn-portfolio jeh thieyn-lheihys gear

Ta'n Oaseirys Kiarail-slaynt freggyragh son claare dy scrutaghtyn-portfolio ayns thieyn-lheihys gear son treishtyn SSA ayns Sostyn. Shoh scrutaghtyn jeh cooilleeney as ymmyd jeant jeu dy veihaghey cliaghtey-lhee ayns shirveishyn gear ayns thieyn-lheihys. Ayns 2005/2006, va scrutaghtyn jeh thieyn-lheihys gear goit ayns laue bentyn rish reirey entreilysyn, shirveishyn faaishnys-enn (goaill stiagh patoaylleaght, jallooaghey as endoscopys) as y reireydys jeh stoo-lheihys. Ghow Mannin ayns ayns ny scrutaghtyn shoh myr ayns jeh'n scrutaght jeh'n livrey-ys jeh kiarail-slaynt gear. Dean y chlaare-scrutee, ta shen d'insh da thieyn-lheihys mychione nyn gooilleeney ayns shirveishyn ennagh as dy chosoylaghey shen rish shirveishyn ayns thieyn-lheihys elley.

Ta Thie-lheihys Noble er gheddyn myn-oltscarrey jeh ny reddyn va feddynit dy chur ablid jeh tooilley scrutaghey as cosoylaghey cooilleeney ny sodjey. Myr shen, foddee yn thie-lheihys cosoylaghey e chooilleeney rish thie-lheihys erbee ny rish possanyn erbee dy hieyn-lheihys t'ayns y Reeriaght Unnaney'sit.

Son y scrutaght shoh, ny troaryn jeh ny tree scrutaghtyn va jeant ec Thie-lheihys Noble, hie ad er cosoylaghey rish ny troaryn-scrutee son thieyn-lheihys begghey cheumooie jeh Lunnin, myr y possan-cosoylee smoo cooie.

Scrutaghey'n reireydys jeh entreilysyn

Reirey entreilysyn gear-cheim as entreilysyn reihagh jeh surransee-sthie dy mie, shen freggyrtys bunneydagh jeh reireyderyn as fir-lhee neesht. Ta'n aght-entreilys cleayney surransee dy mooar, bentyn rish y vieauid jeh'n entreilys as bentyn rish cooieid, reih, gerjagh, as eer y sauchys jeh kiarail-surranssee.

Haggil y thie-lheihys:

- fysseree bentyn rish jannooy'n, skimmee as costysyn
- fysseree mychione drogh-haghyrtyn as gear-cheimyn
- fysseree veih wardyn elley raad ta surransee goll dy jeeragh kyndagh rish coyrle veih ny fir-lhee cadjin oc, goaill stiagh yn unnid sessal-lhee
- myn-ysseree mychione traaghyn-farkee as traaghyn hannee surransee sy thie-lheihys, chaglit ec y rheynn-fysseree
- fys cadjin
- coontey-lhabbagh jeant er kiare Creanyn nane lurg nane ayns mee ennagh tra va'n scrutaght fo raad

Va'n roshtynaght gys Rheynn Drogh-hagyrt as Gear-cheim mie, lesh traaghyn-farkee meanagh son surransee ren entreil ny sloo na daa oor. Yn earroo dy hurransee duirree ny shlee na kiare oor, v'eh ny sloo na'n earroo ayns thieyn-lheihys elley sy

phossan-cosoylee. Ooilley cooidjagh, s'mie va reaghysyn y thie-lheihys ry hoi dellal rish surransee gear-cheim.

Y keeadane dy lhiabbaghyn ymmydit liorish surransee hie er arraghey gys wardyn va neuchooie da'n staid oc va tooilliu kiarail-slaynt, v'eh feer injil, ta soilshaghey dy vel ny smoo roshtynaght ec ny surransee gys y chiarail ta feme oc er na t'ec surransee ayns thieyn-lheihys elley. Hie yn thie-lheihys er cosoylaghey rish thieyn-lheihys elley sy phossan-cosoylee mie erbaghtal as ymmyd jeant jeh'n chowrey-cosoylee shoh. Y keeadane dy hurransee hantee syn unnid meihaghey-lhee ny sodjey na 48 oor, v'eh ny syrjey na'n keeadane meanagh, ga dy row yn dean 24 oor. Ta'n oltsarrey shoh soilshaghey dy row levallyn d'ymmyd-lhiabbagh injil dy cosoylagh son medshin as laue-lhees. Myr shen, ta feme er scrutaghey shoh.

Surransee haink stiagh kyndagh rish gear-cheim-lhee, ga nagh hantee ad sy thie-lheihys rish traa liauyr dy cosoylagh, ta ny laghyn-lhiabbagh caghlaa reir y laa jeh'n chiaghtin haink y surransagh stiagh. She 5.10 laa va'n shayll meanagh son gear-cheimyn-lhee, cosoylit rish point meanagh jeh 5.73 laa sy phossan-cosoylee.

Scrutaghey ny reaghysyn cour lhiggey da surransee faagail, oddagh eh sauail mysh 10% dy laghyn-lhiabbagh. Va'n thie-lheihys er chur lesh stiagh turraysyn-ward s'menkey dy leodaghey'n traa ren surransee tannaghtyn. Agh cha row ymmyd jeant jeh boandyryn lhiggey da surransee faagail, ny ventyryn casley rish faagail reir plan as skimmeeyn-ward ta ry gheddyn ayns thieyn-lheihys elley.

Ny traaghyn-farkee son kiare aghtyn clinicoil, hie ad er scrutaghey. My ta listyn-farkee goll er reirey dy mie, nee ooilley ny surransee tannaghtyn rish y traa cheddin, bunnys. Oltsarrey jeh'n fysseree hug y thie-lheihys magh, hoilshee eh dy row ad dellal dy corrym rish surransee va fuirraghtyn rish prostaitectomys, kolakystectomys as hysterectomys. Va ny surransee shoh lhiggit stiagh reir garraghyn. Agh y list-farkee son caghlaa lheshyn, cha row shen goll er reirey chammah as ny listyn-farkee ayns thieyn-lheihys elley sy phossan-cosoylee. Sy scrutaght, yeeagh ad er scryssaghyn as cur ry lhiattee veih ny listyn-farkee myrgheddin. Ta surransagh goll er cur ry lhiattee veih list-farkee tra nagh vel entreilys lowit kyndagh rish oyryn-lhee ny oyryn cheet veih'n turransagh. Ayns Mannin, y keeadane dy hurransee va currit ry lhiattee veih'n list-farkee rish ny shlee na shey mee, v'eh ard dy cosoylagh, cur faaue nagh vel scrutaghtyn jeant dy coorsagh bentyn roosyn currit ry lhiattee.

Levallyn-ymmydee va towshit ayns coontey-lhiabbagh Crean lurg Crean son un vee sy scrutaght, hoilshee ad dy nee 87% va ymmyd-lhee ny lhiabbaghyn as dy nee 67% va ymmyd laue-lheeagh ny lhiabbaghyn. Va ny keeadaneyn shoh feer injil cosoylit roosyn ec thieyn-lheihys elley sy phossan-cosoylee. Va ny smoo dy lhiabbaghyn son 1,000 dy leih ec Thie-lheihys Noble na v'ec y chooid smoo dy hieyn-lheihys elley sy phossan, as ny smoo d'entreilysyn-lhee gear-cheim as dy hurransee hantee traa liauyr sy thie-lheihys. Oddagh shoh ve kianlt lesh feddynaght ny lhiabbaghyn as traastey-lhiabbagh va injil dy cosoylagh. Cosoylit rish thieyn-lheihys elley, va reamys ayn dy leodaghey'n traa hantee surransee sy thie-lheihys son kuse dy h-aghtyn laue-lhees, erksyn ooilley lurg appendectomys as kolakystectomys.

Scrutaghey'n reireydys jeh stooghyn-lheihys

Sharaghey'n ymmyd jeh stooghyn-lheihys ayns thieyn-lheihys, ta shen undinagh bentyn rish y whallid dy chiarail ta surransee geddyn. Ta'n reireydys jeh stooghyn-lheihys trome-chooishagh bentyn rish y chooid t'ec thie-lheihys, er yn oyr dy vel ny

stooghyn-lheihys nyn lomarcan costal mysh 5% jeh'n vushaid vleinoil jeh thie-lheihys.

Haggil y thie-lheihys:

- fysseree bentyn rish jannooy'n, skimmee as costyssyn
- fysseree veih sambyl dy wardyn as lheelannyn mychione obbyr jeant ec skimmee-potecareeys va cleayney kiarail-surranssee dy jeeragh
- crearey-skimmee co-chruinnaghey stiagh er barelyn mychione reddyn eigsoylagh bentyn rish y reireydys jeh stooghyn-lheihys cheusthie jeh'n thie-lheihys

Va'n thie-lheihys er lhisaghey formlarys, va ny list dy stooghyn-lheihys coardit oddagh as lhisagh goll er oardaghey ec skimmee-lhee. Son y chooid smoo, va'n formlarys goll rish formlaryssyn va goit rish ayns thieyn-lheihys elley. Ren eh dellal rish oardaghey peediatreyrys as she fir-lhee ard-chiarail va ny co-hellooderyn. Y ving cour druggaghyn as lheihys, ren ee briwnyssyn mychione y stoo lhisagh ny nagh lhisagh ve er y formlarys, agh va'n caa ayn dy haraghey breeoilid y ving bentyn rish y traa v'eh goaill dy yannoo briwnyssyn mychione druggaghyn noa.

Yn earroo dy scrutaghtyn-cooilleenee bentyn rish stooghyn-lhee va goit ayns laue, v'eh feer injil cosoylit rish yn earroo ayns thieyn-lheihys elley. Hoilshee cowraghyn dy row smaght mie goit ayns laue dy reirey'n ymyd jeh druggaghyn gyn kied, agh aghtyn va goll er goaill ayns laue dy ghellal rish oardaghey noi-vynvioaghagh, v'ad ny smessey na thieyn-lheihys elley sy phossan.

Dy cosoylagh, cha row monney laghyn-traenal ec skimmee, as ghow keeadane injil dy skimmee ayn ayns aght strughtoorit cour aaveihaghey cummeydys. Hoilshee cowraghyn elley dy row plannyn-lhiasee persoanagh ec beggan dy skimmee. Ayns keirdyn raad ta sauchys criticoil, t'eh scanshoil dy yannoo shickyry dy vel skimmee slane traenit as cummeydagh dy chooilleeney nyn gurrym. Ren y thie-lheihys kiarail scrutaghey-dooble jeh oardaghey stooghyn-lheihys va ny smoo fondagh na'n lheid ec thieyn-lheihys elley, as va reaghysyn mie ayn dy reirey druggaghyn smaghtit. Chammah as shen, va reaghysyn mie ayn dy reirey ny gaueyn bentyn rish allerjeeyn v'ec surranssee.

Cheau skimmee-potecareeys sloo traa marish surranssee ayns ny wardyn na ayns thieyn-lheihys elley, as y keeadane dy wardyn gyn pohlldal-potecareeys, v'eh ard dy cosoylagh. Va'n thie-lheihys cooilleeney dy mie reir cowraghyn elley cour towse geill currit da surranssee. Ghow shoh stiagh goll ny smoo tappee gys reireydys-hene na'n chooid smoo jeh thieyn-lheihys elley. As ta'n thie-lheihys jannooy ny share bentyn rish ventyryn-coardail dy ghellal rish boiraghyn t'ec surranssee. Myrgeeddin, va'n thie-lheihys cooilleeney dy mie reir cowraghyn ennagh jeh breeoilid bentyn rish kiarail co-phobble. Yn ymyd jeh linnaghyn-stiuree cour kiarail rheyntit ry hoi yn reireydys jeh stooghyn-lheihys, v'eh yn fer smoo sy phossan-cosoylee, as s'mie va'n fysseree va'n thie-lheihys cur da fir-lhee cadjin.

Agh va feme ayn dy niartaghey reaghysyn lesh ard-chiarail son y foays jeh surranssee liorish bishaghey'n cleayney jeh cummalee-chianglee er y ving cour druggaghyn as lheihys, as dy haraghey'n whallid jeh fysseree mychione stooghyn-lheihys veih fir-lhee cadjin da surranssee reihagh.

Traa-potecareeys son gagh entreilys as y keeadane dy hrea ceaut er jannooy'n clinicoil, v'ad jeeaghyn dy ve injil cosoylit rish thieyn-lheihys elley.

Va'n reireydys jeh bushaidyn moal as va rouyr jeh bushaid y rheyntit er ve ceaut neayr's 2001/2002. Agh, ooilley cooidjagh, va bushaid y thie-lheihys cour stooghyn-lheihys injil dy cosoylagh, as v'eh injil myrgeeddin tra v'eh soilshit myr yn argid meanagh va ceaut son gagh surransagh. Ta 'ooilley cooidjagh' cheet er £1,346k, y

vushaid firrinagh son y vlein 2004/2005, noi'n phoint meanagh jeh £3,849k sy phossan-cosoylee son y vlein cheddin. Yn argid meanagh va ceaut son gagh surransagh, v'eh £21.16 son y traa cheddin, noi point meanagh jeh £31.8 sy phossan-cosoylee. Vishee yn vushaid eddyr 2005 as 2006, agh foddee dy vel yn oltscarrey soilshaghey dy vel eh neufondagh son y cliaghtey share bentyn rish oardaghey stooghyn-lheihys. She £1,683k va'n vushaid cour stooghyn-lheihys son 2005/2006 as ec jerrey ny bleeaney argidoil va rouyr jeh'n vushaid er ve ceaut liorish £279,000. Va cooilleeney'n thie-lheihys moal reir ooilley ny cowraghyn bentyn rish skimmee as jannoyn clinicoil. Scrutaght erbee jeh ny cooishyn shoh, lhisagh eh goll er jannoo marish scrutaght jeh'n vushaid.

Scrutaght jeh shirveishyn faaishnys-enneydagh (goaill stiagh patoaylleaght, jallooaghey as endoscopys)

Ta ny shirveishyn faaishnys-enneydagh cur pohlldal slane femoil dy chooney lesh skimmee yn thie-lheihys as fir-lhee cadjin dy chur faaishnys-enn er, as dy chur lheihys da, gorlaghyn as staydyn-lhee elley. Erskyn ooilley, t'ad scanshoil bentyn rish kahngyr as kiarail chardiagh. Ta paart jeh ny doilleeidyn cheddin bentyn rish ny shirveishyn son patoaylleaght, jallooaghey as endoscopys, cooishyn hie er scrutaghey. Paart jeh ny doilleeidyn, ta'd shen: ta ny shirveishtyn shoh goll er shirrey ny smoo, yn ymmyd jeh culleeyn costal, as cha nel coraa jeeragh ec ny shirveishyn shoh er egin bentyn rish plannal as oardaghey culleeyn. Myr shen, t'eh scanshoil dy vel gagh thie-lheihys toiggal dy baghtal yn aght ta ny shirveishyn shoh cooilleeney nyn gurrym. dy chooney lesh briwnyssyn mychione geddyn cooid as skimmee da ny shirveishyn shoh nish as sy traa ry heet.

Haggil y thie-lheihys:

- fysseree bentyn rish jannoyn, skimmee as costyssyn

Va crearey jeh skimmee goit ayns laue, co-chruinnaghey stiagh er barelyn mychione reddyng eigsoylagh bentyn rish shirveishyn faaishnys-enneydagh sy thie-lheihys, ren goaill stiagh cur magh fys er kiarail-surransagh as lhiggey da surransagh faagail. Ren y rheynn-jallooaghey cooilleeney dy mie: cha duirree surransagh erbee ny shlee na 13 shiaghtin son scannal JAM ny TC, feer-heean nagh vel bentyn rish ruggyrin, as lhongaghyn-barium as glistyrin. Sy phossan-cosoylee, she 14 laa va'n fieau meanagh ec surransagh-mooie haink veih fer-lhee cadjin son scannal TC coorsagh; she 35 laa va'n point meanagh. She 20 laa va'n fieau meanagh ec surransagh-mooie haink veih fer-lhee cadjin son scannal JAM; she 94 laa va'n point meanagh. Bentyn rish jallooaghey, y traa eddyr scrutaghey as cur magh tuarastyl, v'eh ny sloo na'n lheid ayns y chooid smoo jeh thieyn-lheihys elley. Cosoylit rish y lheid ayns thieyn-lheihys elley, she meanagh va ooryn-foshlee yn rheynn-jallooaghey.

Va scrutaght jeant jeh list-shickyree dy heyraaidyn as reillyn cour scrutaghey paitchyn. Cha row ardjyn-farkee scarrit ec y thie-lheihys cour paitchyn, seshoonyn er lneh ry hoi scrutaghyn coorsagh, skimmee goll er traenal son coadey paitchyn, ard-ir-lhee freggyrtagh son radio-oaylleaght peediatragh, ny insh liorish radio-oaylleaghteyryn lesh traenal-peeadiatragh er lneh. Radio-oaylleaghteyr, er nonney radiograafee lesh qualleaghtyn cooie, t'ad cur magh fys er ooilley ny scrutaghtyn. She radio-oaylleaghteyryn hug magh fys er keeadane mooar dy scrutaghtyn drogh-haghyrt as gear-cheim, as er keeadane injil dy cosoylagh dy scrutaghtyn shirrit ec fir-lhee cadjin. Agh she radiograafeeyn lesh qualleaghtyn cooie hug magh fys er scrutaghtyn shirrit ec fir-lhee cadjin. Va costyssyn-jallooaghey ard cosoylit rish

shirveishyn elley sy phossan-cosoylee. Hoilshee yn oltsarrey nagh row ny culleeyn goll er ymmydey dy liooar as dy row troaraght y skimmee injil. Marish traaghyn-farkee injil, verragh shoh faaue dy yannoo myn-scrutaght jeh ny shirveishyn-jallooaghey dy hickyraghey dy vel ad gobbraghey dy fondagh as dy vel yn ablid cooie da ny ta goll er shirrey.

Agh shegin goaill rish dy nhegin da'n thie-lheihys coyrt culleeyn as skimmee dy chur raane dy vel ny levallyn sloo jeh coadey ry gheddyn. Ny shlee na 60% jeh'n skimmee ghow ayn sy chreearey, heill ad nagh ren moalys-jallooaghey rieu jannoo er kiarail-surranssee dy laaoil, er nonney dy haghyn shen dy h-anvennick. Heill bunnys 40% jeh'n skimmee dy ren moalys-jallooaghey jannoo er kiarail-surranssee. Ny shlee na 60% jeh'n skimmee, heill ad nagh ren moalys-syn rieu jannoo er lhiggey da surranssee faagail, er nonney dy haghyn shen dy h-anvennick. Y crearey-lhiabbagh cour reireydys-entreilys, hoilshee eh nagh row surranssee erbee fuirraghtyn rish troaryn-jallooaghey ec traa yn scrutaght.

She mestit va traaghyn-chyndaee son prowallyn-patoaylleaght. Son shey prowallyn ass tree-jeig, va ny traaghyn ny s'melley na adsyn sy chooid smoo dy hieyn-lheihys sy phossan-cosoylee. Ga dy vel traaghyn-chyndaee sloo soilshaghey shirveish share son y chooid smoo, t'eh femoil dy smooinghtyn er cooishyn elley ta bentyn rish ny shirveishyn, goll rish costys, fondid as y feuid currit huggey jeh traa-chyndaee tappee. Rheyntyn ta coyrt lane shirveish, t'ad foshlit son ooryn ta ny s'girrey na ayns thieyn-lheihys elley, agh ta shirveishyn paartagh ry gheddyn ayns bea-chemmig, fuill-oaylleaght as mynvioagh-oaylleaght. Va'n chirveish-histopatoaylleaght ry gheddyn son traa va ny s'girrey na ayns y chooid smoo dy hieyn-lheihys. Foddee dy beeu scrutaghey ny sodjey yn kiangley eddyr ooryn-foshlee giarey as traaghyn-chyndaee liauyrey bentyn rish prowallyn-histopatoaylleaght. Neuchasley rish thieyn-lheihys elley sy phossan-cosoylee, cha nel ayn erbee jeh shirveish-phatoaylleaght credjoonit. Ta credjoonaght cur meihaghey-mooie dy whallid da shirveishyn-patoaylleaght ayns thie-lheihys. Ta'n meihaghey jeant lesh stundayrtyr meenit dy chliaghtey va coardit liorish scrutaght jeant ec sleih corrym. Lhisagh y thie-lheihys smooinghtyn mychione geddyn credjoonaght. Va costysyn-unnid ard dy cosoylagh ayans patoaylleaght cosoylit roosyn ayns shirveishyn elley sy phossan-cosoylee. Va troaraght-skimmee mestit, lesh earroyn dy harraghyn as prowallyn va ard dy cosoylagh son gagh oltey jeh'n skimmee ayns fuill-oaylleaght, as injil ayns mynvioagh-oaylleaght, histopatoaylleaght as bea-chemmig.

Dy veihaghey'n chooieid jeh ny va goll er shirrey, hie fysseree er chaglym mychione y corrillagh jeh unnidyn-folley tessen-soylit noi unnidyn caghlaait harrish; prowallyn cheeroydjagh son surranssee-sthie jeant reesht cheusthie jeh kiare laa; as lane choontaghyn-folley son surranssee-sthie jeant reesht cheusthie jeh tree laa. Y crearey-lhiabbagh cour reireydys-entreilys, hoilshee eh nagh row surranssee erbee fuirraghtyn rish troaryn-patoaylleaght ec traa yn scrutaght. Ooillee cooidjagh, va ymmydeyryn clinicoil jeh jallooaghey as patoaylleaght jeant booiagh ec ny shirveishyn va livreyit. Cha row fysseree ry gheddyn mychione traaghyn-farkee son shirveishyn-endoscopys as, myr shen, cha vod cooilleeny-currym goll ermeihaghey. V'eh shirrit er ooillee ny thieyn-lheihys fysseree y chur mychione cowraghyn bentyn rish endoscopys son surranssee, goaill stiagh traaghyn roshtynagh straneagh, fysseree son surranssee, co-choardailys as preevaadjys. Va cooilleeny'n chirveish-endoscopys ny smessey na 'n chirveish ayns y chooid smoo dy hieyn-lheihys elley reir ny cowraghyn jeh keeall chionnit surranssee. Va ny reaghysyn cheumooie jeh ooryn-obree ny share na adsyn meanagh, va'n chooid smoo dy h-endoscopyssyn gear-cheim jeant ayns shamyr-obraid. as va reaghysyn formoil ayn son endoscopeyr dy ghoaill yn ynyd jeh

endoscopeyr elley. Ghow yn thie-lheihys baght jeh earroo sloo dy chowraghyn-lhee na thieyn-lheihys elley sy phossan-cosoylee. Va ny culleeyn as ymmyd jeant jeu ec y chirveish-endoscopys ny smoo jeianagh na'n lheid ayns thieyn-lheihys elley sy phossan-cosoylee; tree endoscopyn ass 27 (11%), va'd ny shinney na hoght bleeaney. Stoo jeant y chamyr, v'eh injil dy cosoylagh, cur faaue nagh vel ymmyd dy liooar jeant jeh ny seryraaidyn, foddee, agh foddee nagh vod shoh ve shaghnit, er yn oyr nagh vel agh un shamyr ec y thie-lheihys as ymmyd jeant jee cour endoscopys coorsagh. Foddee dy vel eh kianlt lesh y feerid dy vel y thie-lheihys jannoo earroo sloo dy h-endoscopysyn kyndagh rish yn earroo veg dy phobble. Ta'n thie-lheihys jannoo 10.8 endoscopysyn ayns 1,000 dy leih son surransee-mooie veih fir-lhee cadjin, noi point meanagh jeh 17.3 son thieyn-lheihys beggey sy phossan-cosoylee. Ta feme er scrutaghey shoh ny sodjey. Tooilley boiragh, va shen y keeadane va ard dy cosoylagh (15%) dy heshoonyn kiaddit nagh row ymmyd jeant jeu, as lhisagh shoh goll er scrutaghey. Va scrutaght jeant jeh reaghysyn cour goaill baght jeh cooishyn-reireydys ayns shirveishyn-endoscopys, chammah as fysseree currit erash mychione ny cooishyn shen. Ga dy row baght coorsagh goit jeh kuse dy h-ard aynyn jeh fysseree-reireydys, cha nel y thie-lheihys goaill baght coorsagh jeh'n chooieid jeh shirraghyn, ny ta fir-chlinicoil shirrey, tuarastylyn ta caillt ny anmagh, as vel surransee jeant booiagh. Va baght coorsagh goit jeh seshoonyn neuymmydit, agh cha row ny troaryn currit erash as cha leeid y goaill baght coorsagh gys caghlaaghyn.

Briwnyssyn

Veih'n scrutaght jeh shirveishyn cour kiarail-slaynt gear currit ec Thie-lheihys Noble ayns Mannin, hooar yn Oaseirys Kiarail-slaynt dy row yn Reiltys, Rheynn Slaynt as Shickyrys y Theay, as skimnee-lhee as skimnee-reiree yn thie-lheihys currit da coyrt shirveish erbaghtal dy chiarail-slaynt da pobble yn Ellan. Va cummaltee yn Ellan jerkal dy jeean rish shirveishyn ynnydagh erbaghtal dy chiarail-slaynt. Va Thie-lheihys Noble ny heyraad cowreydagh as ardjyn-lhee echey lesh culleeyn as cooid feer vie.

Va Rheynn Slaynt as Shickyrys y Theay er lhisaghey strateysh cour shirveishyn-slaynt. Agh va genney fysseree fondagh as co-hassooagh ayn mychione slaynt theayagh as ymmyd jeant jeh dy phohlldal y lhisaghey jeh oltscarrey femeyn-slaynt phobble yn Ellan as, myr shen, dy chur cooney da plannal shirveishyn cour kiarail-slaynt gear sy traa ry heet.

Y raad soit magh ec Rheynn Slaynt as Shickyrys y Theay sy strateysh eck cour slaynt, cha row eh kianlt lesh, ny currit stiagh ayns, y livrey-ys jeh shirveishyn-slaynt gear. Cha row plan-obbree er ny lhisaghey, as cha row possan baghtal dy hosheeaghtyn ayn cour livrey shirveishyn gear ren shickyraghey'n livrey-ys jeh deanyn-cooilleenee soit ec y Rheynn.

Ny sodjey na shoh, va genney coaryssyn-fysseree tramylt bentyn rish cooishyn clinicoil, reiragh as argidoil dy phohlldal y reireydys-cooilleenee jeh ny shirveishyn liorish Rheynn Slaynt as Shickyrys y Theay as reireydys y thie-lheihys rere stiurey veih'n chliaghtey share coardit. Co-choardailys rish stiurey veih cliaghtey share as aghtyn cour coardail cur bree da stiurey, ny goaill stiurey ayns laue, v'ad neuhassooagh harrish y thie-lheihys. Cur bree paartagh da stiurey ny da cliaghtey share, oddagh eh cur er y thie-lheihys dy livrey kiarail as lheihys nagh beagh sauchey, as veagh y thie-lheihys ayns gaue jeh cremmey ny goll er shual, foddee. Bentyn rish co-phobble ellanagh, lesh ny doolaneyn gyn cosoylaght ta shoh croo as kiarail-slaynt

goll er coyrt, ta feme ec shirveishyn thie-lheihys er ve abyl dy hoilshaghey dy vel ad corrym rish shirveishyn ta ry gheddyn ayns buill elley, er y chooid sloo, as dy vel ny shirveishyn shen goll er reirey as er livrey dy cummeydagh. Ta feme er cur er enn as er reirey briwnyssyn mychione cliaghtey share as meihaghey ny gaueyn jeh neuchoardailys.

Ta feme er leeideilys co-ghreimmagh as baghtal as er reireydys fondagh nish dy chur er e hoshiaght plannal strateyshagh as plannal-dellal dy chur er enn, as dy choardail, shirveishyn-cree as shirveishyn er lneh son livrey-ys ynnydagh as son arraghey gys kiareyderyn jeh kiarail-slaynt sy Reeriaght Unnaneyisit. Eisht, ta feme orroo shoh dy ghol er reirey as baght coorsagh dy ve goit jeu cheusthie jeh cultoor dy reireydys-cooilleenee tramylt.

Haink yn Oaseirys Kiarail-slaynt gys y vriwnys dy row skimmee ardjeean va slane currit da nyn gurrym ec y thie-lheihys, as dy row seyraaidyn-lhee erbaghtal ayns shen. Va feme er leeideilys lajer, eddyr-insh baghtal as reireydys breeoil dy ghoail ayns laue ny cooishyn raad va jantys femoil. Lesh aghtyn-shickyree ayns ynnyd ta co-chorpagh, clinicoil as argidoil, foddee yn thie-lheihys coyrt shirveishyn lesh quallid ard ta sauchey, yn-yummyrkey as yn-fordrail sodjey magh sy traa ry heet.

C'red nish?

Myr eiyrtys jeh'n scrutaght, ta'n Oaseirys Kiarail-slaynt er chur geill er lneh da kuse dy chooishyn raad ta feme er jantys dy haraghey shirveishyn as dy hickyraghey dy vow surransee kiarail lesh quallid ard ta sauchey as fondagh.

Ver yn Oaseirys Kiarail-slaynt cooney plan-jantys y lhiasaghey dy ghoail ayns laue ny cooishyn troggit sy tuarastyl shoh. Bee Rheynn Slaynt as Shickyrys y Theay freggyrtagh son goaill baght coorsagh jeh cooilleeney'n phlan as son e reireydys.

Reddyn dy ve jeant dy hickyraghey dy jean cliaghtaghyn-obbree as jannooy n oardrailagh lhiittal ny leodaghey'n gaue dy beagh jeeyl jeant da surransee:

- 1 Ta feme ayn dy chur er bun recortys-gaue ver enn er ny ard-ghaueyn strateyshagh, co-chorpagh as clinicoil, dy ve ny ghreie bunneydagh ry hoi goaill baght coorsagh son yn ard-skimmee sheckteragh.
- 2 Ta feme ec Thie-lheihys Noble er troggal er ny docamadyn-polasee t'echey nish, dy lhiasaghey crauelagh as aghtyn ta baghtal as co-ghreimmagh cour insh mychione gaueyn as scrutaghey ad, vees cur slane raad veih insh gys jantys as feaysley.
- 3 Ta'n feme ayn dy chur jerrey er aa-chummey'n polasee cour smaght-doghan, goaill stiagh aghtyn shareit ry hoi freayll rick.
- 4 Ta feme ayn dy yannoo reddyn dy chelleeragh mychione ny boiraghyn bentyn rish shirveishyn ny etlanyn-lheihys cour arraghey surransee.
- 5 Ta feme er livrey traenal cour coadey paitchyn da ooilley'n skimmee t'ayns feme jeh.
- 6 Ta feme ayn d'eddyn magh quoid lhott-snaidey ta goll er taghyrt ry hoi feaysley boiraghyn erbee.

Reddyn dy ve jeant dy hickyraghey dy bee briwnyssyn mychione kiarail-slaynt as shirveishyn soit er ny ta feanish veih ronsaght er hoilshaghey dy ve fondagh bentyn rish troaryn-lhee:

- 7 Ta feme ec ard-skimmee-lhee er leeideil ny aghtyn cour coardail as cur bree da'n taase dy choardail rish stiurey veih cliaghtey share, fockley'n aght cour jannoo briwnyssyn, as ny aghtyn vees enn currit er, fys currit magh mychione, as y reireydys jeh, gaueyn jeh neuchoardailys ny coardailys paartagh. Lhisagh shoh ve ny ayn jeh strateysh cour breeoilid chlinicoil. Ta feme ec y thie-lheihys er shickyraghey dy vod eh soilshaghey dy vel e chliaghtey-lhee corrym rish cliaghtey-lhee cosoylagh ayns buill elley, er y chooid sloo.
- 8 Fysseree-lhee cosoylee ec y traa t'ayn, ta ry gheddyn cheusthie jeh'n chirveish, t'eh femoil dy jed eh er rheynn marish y skimnee-lhee as ny skimmeeyn-stiureydaught cooie, as dy bee reddyn jeant kyndagh rish troaryn-lhee goit stiagh ayns aghtyn ry hoi goaill baght coorsagh jeh, as insh mychione, cooilleeney-lhee liorish stiureydaughtyn.
- 9 Ta feme ayn dy niartaghey freggyrtys y ving cour druggaghyn as lheihys, as dy ghoaill ayns laue yn chooish jeh oardaghey stooghyn-lheihys nagh vel ayns y formlarys.
- 10 Ta feme ayn dy chur enn er leeideilee sheckteragh cour shirveishyn-kahngyr, dy lhiasaghey'n strateysh-chahngyr as y plan dy chur bree da, as d'obbraghey dy chionn marish moggyl-kahngyr Merseyside as Cheshire.
- 11 Ta feme er scrutaght phreaysagh jeh'n smaght, cur kied da, as freggyrtys, bentyn rish arraghey surransee ersooyl veih'n Ellan, dy hickyraghey dy bee faaishnys-enn, lheihys as eear-chiarail er lneh vees cooie, dy bee ad ry gheddyn sy Reeriaght Unnaneynit raad nagh vod ad goll er coyrt syn Ellan. Y stiurey as reireydys dy yannooynt bentyn rish earrooynt beggey dy hurransee, erskyn ooilley bentyn rish kahngyr, ta feme orroo dy ghoill er feaysley as dy reaghey coonraghyn smoo formoil marish shirveishyn sy Reeriaght Unnaneynit.
- 12 Ta feme ec y thie-lheihys er lhiasaghey claare bleinoil tramylt ry hoi scrutaghey-lhee, lhiasaghey traenal-scrutee as pohlldal-scrutee ny sodjey dy jean scrutaghey cooney lesh cooilleeney deanyn-lhee as tosheeaghtyn son y livrey-ys jeh shirveishyn as lhiasaghey.
- 13 Ta feme ayn dy chur er bun crauelagh cour oaseirys-lhee, erskyn ooilley da ard-skimmee-lhee, dy hickyraghey dy bee nyn gliaghtey sauchey as tannaghtyn cheusthie jeh nyn gagleeyn gerrymoil.
- 14 Ta feme ec y thie-lheihys dy chur er bun cliaghtaghyn dy hickyraghey dy vow co-obbreeyn clinicoil fysseree clinicoil er aght cooie as traaoil lurg da fir-lhee cadjin v'er chur surransee gys y thie-lheihys, lurg lheihys, as lurg da surransee v'er vaagail.
- 15 Ta feme ayn dy haraghey quaaltyssyn-coyrlee da surransee-mooie, erskyn ooilley yn claareaghey jeh quaaltyssyn-lhee eiyrtysaghy, dy chur er bun coarys co-hassooagh ta cur ard-gheill da surransee as lowal da quaaltyssyn-lhee goll er claareaghey dy traaoil.
- 16 Ta feme er co-obbraghey share eddyr kiarail ec y nah leval as ard-chiarail, erskyn ooilley dy lhiasaghey co-aghyn bentyn rish y lheihys jeh staydyn-lhee foddey-charrymagh, gobbraghey marish fir-lhee cadjin harrish yn Ellan as marish Thie-lheihys Cheerey Ardjyn Rhumsaa.
- 17 Ta feme er caghlau y strateysh cour femeyn-slaynt gys plan-obbre, ta cur enn dy baghtal er jannooynt-cree as tosheeaghtyn son shirveishyn er lneh son kiarail-slaynt gear ta goll er coyrt liorish Thie-lheihys Noble.
- 18 Ta feme er jantys dy phointeil leeideilee-lhee cooie son ooilley ny shirveishyn clinicoil. shickyraghey dy nee baghtal y currym, freggyrtysyn as reaghysyn

- cour reirey cooilleeney-lhee. Erskyn ooilley, s'preaysagh pointeil leeideilagh clinicoil jeh shirveishyn-kahngyr.
- 19 Ta feme er cur bree da crauelagh ry hoi reireydys-cooilleenee, ta cur er enn y currym as ny freggyrtysyn da skimmee lesh freggyrtysyn reiragh, goaill stiagh goaill baght coorsagh as meihaghey-cooilleenee.
 - 20 Ta feme er goaill ayns laue scrutaght jeh strughtooryn bingaghyn y thie-lheihys, goaill stiagh olteynys, cagleeyn-currym, freggyrtys as aghtyn-insh.
 - 21 Ta feme er cur bree da coaryssyn cour insh mychione troaryn-lhee, cowraghyn-cooilleenee as reireydys-cooilleenee.
 - 22 Fysseree mychione troaryn-lhee as ard-deanyn veih strateysh Vannin cour slaynt, lhisagh ad goll er cur er fud ny coonraghyn jeh coyrleyderyn-lhee as er fud meihaghey-cooilleenee.
 - 23 Y strateysh son skimmee, ta feme ayn ee y chaghlaa gys plan-obbee dy hickyraghey y listal, lhisaghey, pohlldal, cur ayns kiartaghyn as reireydys ta fondagh as cooie jeh skimmee harrish ooilley ny stiureydahtyn as shirveishyn.
 - 24 Ta feme er scrutaghey'n leval as mestey dy schleiyn jeh boandyryn ayns ooilley ny ardjyn-lhee.
 - 25 Ta feme er niartaghey coaryssyn dy chur er e hoshiaght eddyr-insh daa raad cheusthie jeh'n thie-lheihys, as ta feme er focus share bentyn rish yn ymyd jeh chagnoaylleaght dy chooney lesh eddyr-insh.
 - 26 Ta feme er lhisaghey coaryssyn dy hickyraghey dy vel tosheeaghtyn reaghit son traenal as lhisaghey gerryoil, gymmydey'n strateysh shirveish-slaynt as y plan-obbee cour y livrey-ys jeh shirveish kiarail-slaynt gear.
 - 27 Ta feme er lhisaghey reireydys-fysseree er aght dy bee yn fysseree currit erash as ymyd jeant jeh ec gagh leval harrish y thie-lheihys as Rheyinn Slaynt as Shickyrys y Theay dy phlannal as dy reirey cooilleeney ny s'fondee.
 - 28 Ta feme er crauelagh cour reirey argidys da skimmee lesh freggyrtys argidoil ec gagh leval, dy haraghey twoaie as dy lhisaghey schleiyn as fysseree bentyn rish reireydys as smaght fondagh jeh bushaidyn.
 - 29 Ta feme er cur er bun aghtyn dy hickyraghey dy vel fysseree mychione surransee goll er cummal ayns recortys-slaynt ny coadan-slaynt ta meanagh, as dy nee shickyrit y whallid as y clanid jeh recortysyn-slaynt. Lhisagh y thie-lheihys smooinghtyn mychione geddyn credjoonaght-mooie. Ta feme er troggal er ventyryn dy hickyraghey dy vel kiarail-slaynt goll er livrey ayns boodeeys marish surransee, nyn lught-kiarail as nyn sleih-mooinjerey.
 - 30 Lhisagh y thie-lheihys cur er bun stundayrtyn-yymyrkee eginagh vees ooilley'n skimmee lhiantyn rish. Lhisagh fys ve ec y theay er ny stundayrtyn shoh er aght vees fys ec surransee, lught-kiarail as nyn lughtyn-thie er ny stundayrtyn-yymyrkee coardit vees jerkit veih'n skimmee ooilliu ec gagh tra. Ta feme er jantyssyn dy hickyraghey dy jean surransee geddyn shirveishyn cho tappee as oddys ad, dy bee reih oc bentyn rish shirveishyn, as nagh bee moalys neuymyrchagh ayn bentyn rish y livrey-ys jeh shirveishyn.
 - 31 Ta feme ec y thie-lheihys er feddyn magh cre'n fa ta traaghyn-farkee liauyrey ayn, erskyn ooilley da shirveishyn ortopeedagh as sooill-oaylleaght, as eisht er goaill feayslaghyn ayns laue.
 - 32 Lhisagh y thie-lheihys lhisaghey un choarys ny lomarcan dy ve abyl d'insh traaghyn-farkee, as lhisaghey co-reirey jeh listyn-farkee harrish ooilley ny stiureydahtyn.

- 33 Harrish ooilley ny stiureydahtyn, ta feme ayn dy haraghey plannal cour lliggey da surransee faagail. As ta feme ayn dy niartaghey kianglaghyn gys ard-chiarail as kiarail ec y nah leval dy hickyraghey dy vel coarys ayn ta sauchey as fondagh ry hoi lliggey da surransee faagail y thie-lheihys.
- 34 Lhisagh baght ve goit foastagh jeh lughtyn-tanee cooish-laa, as lhisagh reddyn cooie ve jeant ry hoi feaysley doilleeidyn bentyn rish shoh.
- 35 Ta feme ec y thie-lheihys er lhasaghey'n strateysh echey ry hoi tayrn surransee as y theay stiagh ayns cooishyn y thie-lheihys, as lhisagh eh troggal er ventyrn t'ayn nish bentyn rish shen dy rheynt ynsagh as cliaghtey mie.
- 36 Ta feme er scrutaghey seyraaidyn-glennee yn thie-lheihys dy hickyraghey dy vel stundayrtyn ard dy ghlenid goll er cummal feiy'n thie-lheihys.

Reddyn dy ve jeant dy hickyraghey dy vel claareyn as shirveishyn goll er kiaddey as er livrey dy chur er e hoshiaght, coadey as sharaghey slaynt phobble yn Ellan:

- 37 Ta feme er meihaghey fysseree veih kiarail-slaynt as ta feme er smooinghtyn mychione tosheelaghtyn slaynt theayagh as plan-obbee goll er cummey cour y livrey-ys jeh shirveishyn-slaynt gear.
- 38 T'eh femoil dy chur er bun ahtyn dy hickyraghey dy vel Olteynyn jeh'n Chiare as Feed goaill ayn brecoil ayns reaghey ny tosheelaghtyn cour coyrt slaynt as kiarail-slaynt, soit er meihaghey femeyn-slaynt as er coyrt shirveishyn ta sauchey as yn-yymrkey.
- 39 Ta feme er goaill ayns laue aht d'eddyn magh ny femeyn son fysseree ec gagh leval jeh plannal as livrey-ys son kiarail-slaynt as kiarail theayagh, as er lhasaghey plan-jantys dy chur er enn ny coaryssyn-fysseree cooie nee shoh y livrey.
- 40 Ta feme ayn dy chur tosheelaghtyn da, as dy ghoaill ayns laue, claareyn ry hoi cur slaynt er e hoshiaght as y lhiettalys jeh gorlaghyn, bentyn da kiarail ec y nah leval chammah as ard-chiarail.
- 41 Yn argid enmysst cour claare eamee/geamagh reesht son scannal-keeagh, shegin da goll er ymydey dy chur bree da'n chirveish shoh dy chelleeragh.
- 42 Lhisagh smooinght ve currit da claare-scannal son kahngyr-minnagh myr ayn jeh claare-scannal ooilley-ghoaillagh jeh slaynt.
- 43 Scrutaght jeh'n pholasee bentyn rish cre cho aarloos as ta shirveishyn kiarail-slaynt da gear-cheim, lhisagh ee ve goit ayns laue, goaill stiagh scrutaghtyn egindagh coorsagh as roortysyn-obbee marish leeideilee-phlannal veih'n Reeriaght Unnaneysit.

Reddyn dy ve jeant dy scrutaghey'n fondid as yn yn-yymrkey jeh ny shirveishyn t'ad gra er lhez rish:

- 44 Ta feme ec y thie-lheihys dy ghoaill ayns laue leeideilys-lhee, freggyrtys as oaseirys, as y vreeoilid chlinicoil jeh lheyssyn son ny shirveishyn t'ad gra er lhez rish. Ta feme ayn dy chur er bun ahtyn d'eddyn magh cre'n aht ta gaueyn-lhee goll er meihaghey as er reirey, as cre ny boodeeysyn lhisagh goll er lhasaghey marish shirveishyn cosoylagh ayns buill elley. Ta feme er smooinghtyn er yn yn-obbraghey clinicoil as y vreeoilid-chostys jeh coyrt ooilley ny paart jeh ny shirveishyn er lhez ayns yn Ellan.
- 45 Ta feme er lhasaghey, as cur bree da, plan-obbee cour shirveishyn cuishlagh gear-cheim, goaill stiagh y reihys jeh obbraghey dy chionn marish ynyd-erbaghtalys dy chur startaghyn-lhee shallidagh da skimnee thie-lheihys, er nonney cur ooilley ny shirveishyn dy jeeragh da pobble yn Ellan.

- 46 Ta feme er lhasaghey plan-obree cour shirveishyn cleaysh, stroin as scoarnagh, goaill stiagh y lhasaghey jeh raaidyn-lhee harrish ard-chiarail as kiarail ec y nah leval, as cur magh meenaghey baghtal bentyn rish reirey traaghyn-farkee.
- 47 Ta feme er yn unnid noa-ruggyr d'obbraghey dy chionn marish kiareyder sy Reeriaght Unnaneydit ta kiarail shirveish chosoylagh, as marish y phossan-kiartag ry hoi cowraghey-cosoylee sy heear-hwoaie, d'eddyn magh cre'n aght lhisagh kiarail noa-ruggyr goll er coyrt.
- 48 Ta feme er lhasaghey plan-obree cour laue-lheey's peediatragh, goaill stiagh polaseeyn-obree baghtal son aghtyn laue-lheey's peediatragh oddys goll er jannoo dy sauchey as dy cummeydagh ayns yn Ellan.

Reddyn dy ve jeant lurg scrutaghey'n cooilleeney jeh reireydys-entrellysny:

- 49 Ta feme ec y thie-lheihys er ronsaghey cre'n fa ta paart dy hurransee tannaghtyn ayns unnid ny entrellysny-lhee ny sodjey na'n traad-dean jeh 24 oor, as er scrutaghey breeoilid y pholasee jeh arraghey surransee veih'n unnid cour meihaghey-lhee gys wardyn elley.
- 50 Ta feme ayn dy jean y thie-lheihys toiggal cre'n fa dy vel y traad ta surransee ceau sy thie-lheihys croghey er y laa jeh'n chiaghtin t'ad cheet stiagh, as dy jean y thie-lheihys reddyn dy leodaghey'n traad shen cho wheesh as oddys eh.
- 51 Ta feme er scrutaghey'n reireydys jeh'n list-farkee cour caghlada lleshyn dy vel surransee goll er dellal rish dy corrym, as dy vel ad geddyn entrellys reir garraghyn.
- 52 Ta feme er cur bree da aghtyn dy scrutaghey dy coorsagh surransee ta currit ry lhiattee veih listyn-farkee, dy scughey magh ad, er nonney dy chur lheihys daue ny s'leae.
- 53 Ta feme ec y thie-lheihys er ronsaghey ny oyryn ta surransee tannaghtyn rish traaghyn foddey sy thie-lheihys dy cosoylagh, erskyn ooilley son goaill magh famman y vinnagh as son kolakystectomys, as ta feme ayn dy jannoo reddyn dy leodaghey ny traaghyn shoh.

Reddyn dy ve jeant lurg scrutaghey'n cooilleeney jeh reireydys stooghyn-lheihys:

- 54 Ta feme ec y thie-lheihys er scrutaghey'n leval t'ayn nish jeh'n scrutaght-chooilleenee bentyn rish stooghyn-lheihys, as smooingaghtyn vel y leval shoh cooie, as cre'n aght ta scrutaghtyn bentyn rish stooghyn-lheihys goit stiagh ayns plan-scrutee ooilley-ghoaillagh son y thie-lheihys.
- 55 Ta feme er reaghysyn dy ghellal rish oardaghey noi-vynvioaghagh liorish lhasaghey strateysh, linnaghyn-stiuree as scrutaghey.
- 56 Ta feme er scrutaghey'n traad ta currit da traenal skimmee-potecareeys dy hickyraghey dy vel cummeydyssyn as femeyn-lhiasee goll er aa-veihaghey as goit ayns laue.
- 57 Ta feme er scrutaghey ny cliaghtaghyn-obree jeh skimmee-potecareeys dy hickyraghey dy nee cooie yn aght t'ad cur shilley er wardyn, chammah as y traad t'ad ceau marish surransee ayns ny wardyn, as dy vel obbyr skimmee-potecareeys fondagh ayns shen.
- 58 Ta feme ayn dy niartaghey'n goo jeh shirveishyn ard-chiarail er y ving cour druggaghyn as lheihys, as dy haraghey'n whallid jeh fysseree mychione stooghyn-lheihys da surransee reihagh cheet veih fir-lhee cadjin.

- 59 Ta feme ec y thie-lheihys dy ronsaghey ny oyryn son ny levallyn injil jeh traapotecareeys ceaut er jantys clinicoil, goaill toshiaght lesh scrutaght jeh levallyn-skimmee.
- 60 Ta feme er scrutaght jeh'n vushaid cour reirey stooghyn-lheihys, dy ve jeant marish scrutaghtyn erbee jeh skimme as jantys clinicoil, dy hickyraghey dy vel shirveishyn geddyn argid ta cooie da ny ta goll er shirrey.

Reddyn dy ve jeant lurg scrutaghey'n cooilleeney jeh shirveshyn faaishnys-enn:

- 61 Ta feme ec y thie-lheihys er scrutaghey skimme as seyraaidyn ayns ny shirveishyn-jallooaghey dy hickyraghey dy vel ad shoh cooie da ny ta goll er shirrey.
- 62 Ta feme er sharaghey ny seyraaidyn cour ny scrutaghtyn radio-oaylleeaghtoil jeh paitchyn.
- 63 Ta feme er scrutaghey traaghyn-chyndaaee son patoaylleeaght dy hickyraghey dy vel y cooilleeney cooie da femeyn ny shirveishyn ta goll er coyrt sy thie-lheihys, as, ny sodjey, cooie da'n cho-phobble.
- 64 Lhisagh y thie-lheihys scrutaghey ooryn-foshlee yn chirveish-histopatoaylleeaght dy hickyraghey dy vel femeyn ny shirveishyn goll er cooilleeney.
- 65 Lhisagh y thie-lheihys smooïnaghtyn mychione shirrey credjoonaght son shirveishyn-patoaylleeaght dy gheddyn shickyrys mooie dy vel y chirveish cooilleeney stundayrty'n-quallid.
- 66 Lhisagh y thie-lheihys ronsaghey ny oyryn son y troaraght injil ec skimme ayns keirdyn-patoaylleeaght ennagh.
- 67 Ta feme er ronsaghey vel yn earroo dy hirraghyn son tessensoylaghey folley cooie da ny ta goll er shirrey.
- 68 Ta feme er jantys dy haraghey'n chaglym as meihaghey jeh fysseree-reireydys cour shirveishyn-endoscopys, as d'yymydey ny troaryn dy haraghey fondid y chirveish ta goll er coyrt. Lhisagh shoh goaill stiagh fysseree dy howse traaghyn-farkee son shirveishyn-endoscopys; y chooieid jeh shirraghyn; quoid ta goll er shirrey ec fir-lhee; tuarastylyn ta caillt ny anmagh, as cooilleen ny surransee.
- 69 Lhisagh y thie-lheihys scrutaghey reaghyssyn cheusthie jeh shirveishyn-endoscopys cour traaghyn roshtynagh straneagh, as cour cur fysseree da surransee, chammah as livrey coardail as preevaadjys.
- 70 Lhisagh bree ve currit da meihaghey cowraghyn-lhee son shirveishyn-endoscopys, dy chur towshan jeh quallid chlinicoil as breeoilid, oddagh goaill stiagh raaytyn dy chur-stiagh kaikoil, raaytyn-thiolley endoscopagh, aalhiggey fuill lurg endo-lheihys, as oaseirys fir-traenal.
- 71 Levallyn-skimmee as seyraaidyn ayns ny shirveishyn-endoscopys, lhisagh ad goll er scrutaghey dy hickyraghey dy vel ad cooie da ny ta goll er shirrey er ny shirveishyn.
- 72 Ta feme ec y thie-lheihys er ronsaghey ny oyryn son y keeadane ta ard dy cosoylagh dy heshoonyn-endoscopys plannit nagh vel yymydit.

Asheen A

Cagleeyn-currym y scrutaght jeh kiarail-slaynt ayns Mannin

Lurg barganey-coonrey, y boodeeys eddyr yn Oaseirys Kiarail-slaynt as Rheynt Slaynt as Shickyrys y Theay ayns Mannin, v'eh er ny choardail dy chur ny troaryn shoh heese:

- coarys tarhoilshagh, roshtynagh as tramylt dy h-aghtyn-scrutee dy hickyraghey'n whallid jeh kiarail-slaynt ta goll er coyrt da pobble Vannin
- kuse dy heshoonyn-fysseree as shappyn-obbee jeant lesh cooney da skimmee shirveish-slaynt
- tuarastyl mychione y stayd jeh'n livrey-ys jeh kiarail-slaynt da pobble Vannin, ta cur er enn y whallid jeh shirveishyn ec y traa t'ayn as y caa son tooilley sharaghey, geiyrt er stundayrtyn Rheynt Slaynt Hostyn cour slaynt share. Gooee yn tuarastyl stiagh ny troaryn jeh tree claareyn-scrutee er l'eh, as coontey-roie mychione yn yn-obbraghey jeh shirveishyn er l'eh (myr v'eh grait roo ec skimmee sheckteragh y thie-l'ehihys) ta goll er kiarail ayns yn Ellan
- plannyn-jantys ta ooilley-ghoailagh, yn-chooilleeney as rieughagh, jeant liorish co-obbraghey marish reagheydyssyn, possanyn as shirveishyn boodeeysagh, dy ghoail ayns laue reddyn cour sharaghey as tooilley scrutaght
- myn-ghiare-choontaghyn jeh'n feanish ta ny reddyn hooar y scrutaght magh soit er
- coyrl' mychione eddyr-insh, pohlldal as cooney-obbee feiy'n scrutaght
- caaghyn as undin cour lhiasaghey boodeeys sodjey, gobbraghey eddyr Rheynt Slaynt as Shickyrys y Theay as yn Oaseirys Kiarail-slaynt.

Asheen B

Skimmee-meihaghey yn Oaseirys Kiarail-slaynt

Maureen Burton, Reireyder-shalee, Yn Oaseirys Kiarail-slaynt

Chris Birbeck, Reireyder Gurneilyl-l'hee, Lught-reill Slaynt Strateyshagh Essex

Margaret Bryan, Ben-toshee Shirveishyn-l'ehihys Keirdey, Treisht Ard-chiarail Waveney

Molly Corner, Offishear-l'hiasee, Yn Oaseirys Kiarail-slaynt

David Cain, Ard-sheckter, Treisht SSA Kiarail-slaynt Trafford

Dr Gill Fraser, Stiureyder Lhiasaghey-kiarail/Stiureyder-l'hee, Treisht-chiarail Northumberland

Sue Mackie, Stiureyder-coonee Boandyrys as Gurneilyl-l'hee, Treisht SSA Thie-l'ehihys Ealing

Mark Marshall, Co-stiureyder jeh Stundayrtyn cour Slaynt Share, Boodeeys Slaynt Inchynagh Essex Twoaie

Brian Niven, Stiureyder-startaghyn, Shirveishyn Reireydys Obbyr-skimmee

Irene Rutter, Oayllee-cooilleeney, Yn Oaseirys-scrutee

Dr Zaffran Shahzada, Coyrleyder Aa-chiaddey Co-chorpagh, Lhiasaghey
Sheckteragh as Persoonagh
Anna Spain, Offishear-lhiasee, Yn Oaseirys Kiarail-slaynt
Sue Ward, Ben-toshee jeh Coid, Skedjalley as Dellal Noa, Yn Oaseirys Kiarail-
slaynt
Dr Andrew Watson, Peediatreyr-coyrlee/Stiureyder-lhee, Kiarail-slaynt SSA Ellan
Eeaght
Georgia Webster, Reireyder-chooid, Coheshaghtee, Yn Oaseirys Kiarail-slaynt
Karen Wilson, Ard-reireyder cour Coheshaghtee, Yn Oaseirys Kiarail-slaynt